

928
4
12

陳  
迦  
陵  
文  
集

一  
二





迦陵詞全集卷十六

宜興陳維崧其年著

溧陽史夔胄司

長洲尤侗悔庵

江都吳綺菡次選

桐城弟堂謀大匡

瑤臺第一層

秦園月夜聽泉聲用藝香詞韻

月影水痕都化碧如游不夜城恰驚飛澗陡然劈峽濺沫  
難平陰森鱗鬣還似玉龍怒吼峻嶒真幽絕添幾聲鐵笛  
一點茅亭憑陵狂歌一曲夜深難得此空青姮娥未睡  
馮彘欲舞官殿俱晴乘風吾欲去但神仙何必東瀛洗銀

弟 維岳緯雲 叅閱

宗石子萬

男履端

校

姪賜薛

觥笑醉看瀑布認作霜藤

黃河清慢

清江浦渡黃河

蒼莽河聲衝古驛黃沙濁浪同色斜日誰來問渡江南狂  
客醉倚柁樓吹笛初入破魚龍悲咽古今多少英豪最堪  
笑南奔袁術 幾時瓠子功成歎薪樵空勞宣房難塞長  
嘯憂時自把寶刀閑拍且任短篷掀舞不須怨中原蕭瑟  
城各下相極望處暮烟殘荻

倦尋芳

早春偶過農部伯父廢園感賦

敗屋東頭偶然行散十分情重滿地苔錢雨榭烟廊都空  
蘸水燕雛晴故掠蔭街絲柳風偏弄傷情處是舊家年少

登山一勸 記當日孝標姊妹僧綽兒郎嬉遊曾共多少  
春衫斜著金鞭閒控一自攀髯人去早江南鶯燕成何用  
擦此生繡戶珠簾付之一夢

竹逸堂紫牡丹一樹戊申年曾一見之纔一二朵  
耳今年花放竹逸復邀同人過賞而濃香紫艷  
已滿書闌矣感而賦之

畫堂左側綉檻東偏朶朶輕俊歐碧姚黃總是讓他風韻  
紫府家鄉原不遠紅樓伴侶休相混記當時恰一枝初顛  
便會廝認 詎料是六年一別今日人歸倍添春暈滿院  
濃香砌就閒愁成陣雨後喜看嬌態足朝來怕見殘粧褪  
這情懷沉醉醒時細將花問

月下笛

本意

今夕何年滿天皓魄一輪圓碧露橋水驛誰向風前噴笛  
趁關山河漢夜涼故將鳳竹悽倦客正寒潭峭岸離鄉年  
少凭江船側當初曾記趁寒食梨花醉平陽宅念奴璫  
管碎把畫梁塵劈到如今漂流路岐西風落葉無相識月  
生煙生怕鐵龍歸海何處覓

孤鸞

賦得石亭梅花落如雪

昨來時節記花倚晴闌牽衣話別生怕重逢未必有花堪  
折如今小樓仍上果隔林盡情飄瞥亂捲一天晴絮映水  
半明滅正春陰暗把碧空駢似愁靚粉娥臨去妻咽誰  
唱陽關曲伏數聲啼鳩日斜游踪欲散倩春衫蘸些香雪

圖得盈盈歸晚有惜花人說

三部樂

題王瑁湖新詩卷首次田髯淵韻

滿幅清新好譜上香絃恨無纖手珊瑚七尺石尉筵前儘  
有憶天上幾度花開悔玉清輕別鳳儕鸞偶短拍長謠迸  
碎鮫盤珠走御河連宵秋雨換十畝殘荷一灣疎柳潛  
來擬笛宮墻月明感舊墨蹟離奇似斗半倒薤半成急就  
餘興淋漓拚沈徧舞巾歌袖

長亭怨

送徐郿伯還西泠倚玉田詞韻同桐初京少叢山

次山賦

此闕與十五卷內吳門寄內詞句同後半闕多一字原本繫長亭怨故仍之

有墻外紫丁香樹簾影鈎簾牽畱數數可記年時鳳城燈

市夜遊否黃金臺古招手喚燕昭共語霎地秋來便去也  
匆匆如許 雖去暫盟鷗狎鷺奈肝膽酒邊還露烹羔酌  
苦歸及見江湖堆絮看萬陣犀弩張時正百丈銀瀧喧處  
意氣儘昂藏肯只鳴榔漁浦

應天長

紅友約余輩重游石亭以陰雨辭之不允復借雲  
臣竹逸放庵上人飲高士吳具茨墓下落梅盈  
把游情甚適詞以紀之

寺橋閣雨山館弄陰重游向時陂澤聯袂行歌依舊各僧  
與詞客花妨帽泥印屐便濕了春衫奚惜疎圃外映水一  
枝舊會相識 對景且疎狂莫負紅餅嫩澗傾春碧不見  
樽前無數飢鴉作寒食庾家墓王氏宅  
具茨就宅  
爲墓故云 糝一片

落英堆積怕來歲載酒城南又是陳蹟

揚州慢

送蘧庵先生之廣陵并示宗定九孫無言汪蛟門  
舟次諸子

十里珠簾半城畫艇百年花月維揚有君家丞相梅嶺舊  
祠堂每年到清明賽社傾城士女愁弄絲簧只無情堤柳  
舞腰還鬪官粧 扁舟上冢聽隣船重話興亡奈石馬嘶  
風銀蠶弔月往蹟全荒我亦當年薄倖曾吹過一帽紅香  
問桃花認否風前前度劉郎

珍珠簾

咏雪珠

瑶妃爭取明珠揀誤觸金盤傾瀉萬顆玉勺圓向小墀拋

打淅淅冷泠敲不了似聞苑梨花都謝寒乍迸零釵碎珮  
跳徧鴛瓦 漸覺暗入瓊肌做紅酥細粟不禁春夜鄰女  
慣嬌憨戲掬來盈把萬斛鮫啼盛不定只逗入玉娥簾下  
輕灑怕一色難尋粉裙綃袂

題宋牧仲楓香詞次曹實庵韻

當時紅杏尙書句宋玉今朝風賦螢火柳綿詞鬪陽阿激

楚

牧仲咏螢咏絮  
二詞尤爲絕調

五色蠻箋螺子墨渲染微雲疎雨凄

苦滿歌坊粉壁舞巾紈素 一曲減字偷聲聽小屏風後

玉簫潛度低囀隔林鶯碎一庭花露鴟鷄又書關山調似

萬馬憑秋而怒相訴我中年以後冰弦怕鼓

月華清

讀芙蓉齋集有懷宗子梅岑并憶廣陵舊游

漠漠閒愁濛濛往事勝似柳絲盈把記解春衣曾宿揚州  
城下粉墻畔謝女紅衫菱塘上蕭郎白馬月夜正游船爭  
取綠紗窗挂 如今光景難尋似晴絲偏脆水烟終化碧  
浪朱欄愁殺隔江如畫將半帙南國香詞做一夕西窗閒  
話吟寫被淚痕占滿銀箋桃帕

十三夜舟泊望亭對月有作

寂歷烟汀微茫水驛尙隔吳山半舍懶慢長年何不使船  
如馬搗香糝紅糯微斟靠錦樹綠帆初卸吟寫聽吳娘水  
調舊愁重惹 惆悵歡娛難借似漂泊江天客舟閒話水  
彩無情偏向愁邊亂瀉想連天楓葉蘆花問何處蟬鈿羅  
帕今夜料王珣宅畔風光如畫

爲蔣元膚催粧

簫到今來偏少  
拚把春光濕了  
枉青粉牆西酒旗斜裊  
撲蝶湔袞夢華遺事  
何人曉落紅旋被東風掃掃不去間  
愁縹緲縱然晴也奈濃春漸老

無悶

益都馮相國夫子飲我以太和春賦此奉謝

履道坊西獨樂園中朝散沙堤似水擁絳帳生徒青州從事  
喚取鷓鴣杓到付侍立清清小童洗咬春說餅滿船藥  
玉幾甌水蟻風味倩誰擬似梅瘦春潮茶香官焙儘濡  
甲郢筒遜伊清綺麴部休嘲戶小也浮白卷波如渴驥看  
瀉向粉盞霜蕞一色白泱泱地

閨怨無悶

春日見城上遊女甚盛戲作此詞

綺陌眠芊上日妖冶彌望玉樓金罍正挑菜年光湔裙時  
節陣陣內家車子漾綃幃吹亂千堆雪無人處悄把春纖  
小揭都無分別  
絡繹碾香塵鋪玉席總向子城斜處女  
墻彎裡惹人憐惜此際春心愁絕愁九十春光如過隙那  
堪輕暝輕寒朝來想作寒食

醉後排悶作

長此安窮定復不急世事紛紛虎鼠笑狐盡帶鈴荷偏成  
柱終日屋梁仰面便著書萬卷誰憐汝休自喜當日馬中  
赤兔人中呂布  
無補莫相疑徒自苦今日一錢不值李  
蔡下中曾何足數且作槃中快舞更單絃岑牟彌生鼓戲  
問君得哀梨定當蒸食與否叶

燕山亭

和韻送魏禹平同京少叢山次山賦

爲送人行馬上遠山也把晴蛾淡掃惜別情  
中酒心期自己殊難分曉一路相隨總輸與  
道旁春草來早怕夢裡花多意中人少計日  
迤邐吳關和燕子楊花一群齊到翠蓬推處  
白舫搖時兩岸露桃紅小半幅蒲帆渾疑是  
掠波沙鳥尤好京口驛紫魚上了

催雪

秋日過城南顯親寺

潭北新秋城南古寺亂壑喧  
厓激瀨愛虎落三間漁蠻一帶林際紺殿  
銀牆綉經幡風定天花灑時來樵語遙粘僧  
磬暗添幽籟門外愁如海有野蔓荒榛叢  
祠破冢閃石竹羅裙多年色壞砌就蒼涼  
景色到路黑燈青啼百怪只

靜侶掩住禪關日看國山螺黛

大有

春閨和片玉詞

亞字牆邊棟花風大小樓中簾捲人瘦滿園  
林叅差綠草誰鬪屏山水鳥背人數也何曾  
愛單嫌偶惱恨柳色空濛和烟鎖畫欄口  
燈前懺花底咒小鴨戀紅衾清清坐守好  
夢曹騰愁到醒時依舊自謝了丁香後受  
無限蜂儂蝶愆十年事疑想如無閒思恰有

新鴈過粧樓

虎丘感舊

紺殿雕軒千人石夜深曾記同遊一天皓月  
和烟罨住長洲誰奏定風波一曲玉簪輕卸  
節奏謳蘸霜毫題名偏向

青粉墻頭 重來莓苔蝕遍更風吹雨打往事都休迴廊  
拆盡數行難覓銀鈎池邊重窺絕壑只老樹斜眠壓酒樓  
迴船好趁笛聲未緊歸伴沙鷗

再咏糊窗

幾扇疎櫺玲瓏處檀箋粉繭糊成夜來微雪掩映更覺晶  
瑩做就貯愁函夢地生疎踏月拘花情恁遮藏偏被嚴飈  
送到殘更 生平蘼鹽井白記欣然同聽敗紙齊鳴今番  
煥館無奈一倍凄清無聊拈毫弄墨倩小字斜行春蚓縈  
閒題詠把雪窗浣徧何用通明

圍爐 金陵泉署作

昨夢偷歸闌干外雪花吹滿簾衣門庭蕭寂綠窗景未全  
非楫拙乍紅茶半熟山妻繞膝小牢之 謂蘭甥 劇喧闐競詢

狂客江畔歸期 檻前小梅映水被誰彈香粉淺着橫枝  
佛燈儺鼓想應歲序旋移景陽鐘聲暗動又官燭更深欲  
滅時遽然醒笑紅爐縱好却不成圍

丁香結

咏竹菇

竹菇竹間蕈也小如錢色如胭脂雨後叢生離離可愛惟陽美山中有之他處所無

碎錦成斑餘霞弄點小圃臙脂隱隱正叢篁搖粉桃花屬  
偷把烟梢扶襯竹郎門第好姑年小卯酒添暈瀟湘二女  
去遠積下啼紅盈寸 淹潤被雨後鶯啼喚出滿林芳嫩  
櫻筍年光錫簫節候做他輕俊小巷筠籃提入帶笑爭相  
認似開元錢樣一縷嬌痕巧印

瑣窗寒

昔年樓上

青粉墻頭 重來莓苔蝕遍更風吹雨打往事都休迴廊  
圻盡數行難覓銀鈎池邊重窺絕壑只老樹斜眠壓酒樓  
迴船好趁笛聲未緊歸伴沙鷗

再咏糊窗

幾扇疎櫺玲瓏處檀箋粉繭糊成夜來微雪掩映更覺晶  
瑩做就貯愁函夢地生疎踏月拘花情恁遮藏偏被嚴飈  
送到殘更 生平齏鹽井白記欣然同聽敗紙齊鳴今番  
煥館無奈一倍凄清無聊拈毫弄墨倩小字斜行春蚓縈  
閒題詠把雪窗浣徧何用通明

圍爐

金陵泉  
署作

昨夢偷歸闌干外雪花吹滿簾衣門庭蕭寂綠窗景未全  
非楮拙乍紅茶半熟山妻繞膝小牢之謂蘭甥劇喧闐競詢

狂客江畔歸期 檻前小梅映水被誰彈香粉淺着橫枝  
佛燈儼鼓想應歲序旋移景陽鐘聲暗動又官燭更深欲  
滅時遽然醒笑紅爐縱好却不成圍

丁香結

咏竹菇

竹菇竹間草也小如錢色如臙脂雨後叢  
生離離可愛惟陽美山中有之他處所無

碎錦成斑餘霞弄點小圃臙脂隱隱正叢篁揺粉桃花靨  
偷把烟梢扶襯竹郎門第好姑年小卯酒添暈瀟湘二女  
去遠積下啼紅盈寸 淹潤被雨後鶯啼喚出滿林芳嫩  
櫻筍年光錫簫節候做他輕俊小巷筠籃提入帶笑爭相  
認似開元錢樣一縷嬌痕巧印

瓊窗寒

昔年樓上

此地當年蕭娘粧閣綠窗幽靚傷春情思正日煖人微病  
撚花枝悄近羅衣睂峯送語烟難定掩屏風六幅看他緇  
額安黃端正 那更人別後冷落舊粧樓温家玉鏡無端  
又上銀蒜零星還剩只從前簫局桃笙看來不似今朝景  
便化爲玉剪重來還認紅香徑

初春和雲臣韻

雪灑紅窗雨敲碧瓦曉寒偏緊鶯簧生澁不似舊時淹潤  
記前春城南水邊內家車子綃成陣只新年節候連陰做  
暝悞他花信 點盡安仁髻拚滿幅春詞秦灰同燼縱然  
墨淡還有啼紅堪認况如今苔花小箋誓成烏鰂猶隱隱  
最難忘梅月朦朧不耐施脂粉

乙卯元夕柬雲臣竹逸竹虛

今歲元宵禁晴架雨裝陰做靄娉娥何處盼斷一天冰彩  
徧春城街泥未消蕙花梅萼徒瀟灑筭六街寂靜火蛾罷  
鬧紫姑停賽 窗外閒愁大笑冷淡光陰歲華虛賣惜惜  
坊曲殘雪慊慊還在記當初小市夜橋月明笑語春如海  
歎如今只有東風乍小吹燈帶

本意閨情

蠻字墻兒冰紋榻子謝娘三徑烏龍怕睡吠煞翠梧桐影  
蔚藍天一派鴈程年年耽悞蕭關信又棲鴉鬧過誰家玉  
笛叫西樓暝 愁聽商飈勁便黑了一燈喚人誰磨銀鴨  
嬌憨還泥薰籠偎並卸蜜簪劃月闌干峭寒陡覺秋夜丙  
伴黃花且熨紅綿冬釭應倍冷

雪金陵作

瑟瑟泠泠漫天攪地洒窗淋戶旅情難受理煞也無頭緒  
拚和他瓊瑤亂拋風前都學梨花舞筭侯門戚里醅酥獸  
炭幾家笑語 知否此間路是金粉關河最消魂處幾多  
舊事總被六花飄去想外邊白徧長干依然玉做南朝樹  
惹江船商婦琵琶水上訴愁苦

金菊對芙蓉

禹州使院作

雍氏亭空大颿山老一鞭裊盡斜暉正荒城苔繡古驛花  
欹行人說是王孫第帳金牀玉几都非巡簷背手誰人憐  
我情緒如絲 此意枕簟應知其殘釭青穗伴我題詩歎  
星移物換種種淒其不如且向東門外好悲歌聶政墳西  
明當竟去頻斟濁酒細拂橫碑

禹州城東門外  
三里有聶政墓

姜學在自宛陵掃墓歸停舟過訪卽送其返吳門

語響潭烟櫓鳴溪翠他鄉上冢人歸恰停橈枉叩竹下雙  
扉相逢暗惹平生恨西州路事與心違羊曇已老數行情  
淚彈上君衣

追感尊公如  
農先生也

此去帆影霏霏正茂苑蓮紅

笠澤魚肥歎吳中今歲刈獲全稀賃春薄俗防人面梁木

萎門戶凋微憐君歸去乳魚軒下悵煞斜暉

送楊亭玉學博之任江浦和梁棠村先生韻

棠邑名城秣陵劇縣鱸堂坐對晴秋正人家夾岸雲物當  
樓扶風絳帳生徒盛環講舍錦瑟紅篝圖書四部才華六  
代冠冕南州 罨畫暫爾淹留恰曲唱樽前纜繫沙頭盼  
離亭霜葉黃重丹稠之官一水携家便喜烟江乍穩陽侯  
別來錦字好尋雙鯉頻泝中流

訪單縣琴臺

邑爲宓子賤巫馬期  
舊治臺有二賢祠

古樹雲平荒臺湍激兩賢留下祠堂見珠絲網院馬莧圍  
墻承塵畫壁昏於夢千年事陳蹟蒼涼江南游子無聊側  
帽有恨循廊 迤邐漸下牛羊響落水西風颯杳層岡悵  
琴聲未杳蘋藻誰將擬尋北地韓陵石呼來語相伴他鄉  
那堪斷碣摩挲已徧一笑斜陽

九日牧仲招同山蔚振衣樓登高填詞惜別卽次

來韻奉酬

楚客有言悲哉氣也君家原不宜秋况帆停江上人倚樓  
頭菊英亦管人離別賽柳綿打塊成毬那堪筵畔輕敲檀  
板緩節奏謳 歎昔幕府風流羨落帽中原戲馬高丘更  
一時參佐千載英游吾衰詎有風雲想筭不如巖岫清幽

從茲歸去筆床茶竈到處淹留

又次前韻酬別山蔚

鬱鬱中原蕭蕭老髯不如歸弄晴秋記數間茅屋罨畫東  
頭每當月吐長溪口水明夜雪鏡水毡幾村風葉半灣烟  
渚牧唱樵謳 好趁淄淄寒流去窈窕崎嶇歷壑經丘只  
離情還戀梁苑朋游他鄉老輩如君少新詩句兀杲空幽  
一樽尙煖片帆聊卸暫爲君留

舟行遇大風仍用前韻

雪浪鼉吟布帆鴟叫西風削碎晴秋看綠平楚尾翠入吳  
頭盤渦急泐孤光陷鑄一點暘谷金毬柁樓長嘯汎人侑  
舞海若供謳 十載萍梗飄流只賃廡臯橋賣餅安丘喜  
今朝尻馬彷彿天游水雲混混粘無極真欲犯碧落空幽

頭一聲南內消魂曲風乍定燈裊紅毬幾層簾幙一群鶯  
燕妙舞嬌謳 可惜四節如流背畫檻低吟華屋山丘悵  
朱門舊宅紅粉前游光陰負我堂堂去空遺下庭砌清幽  
闌干醉拍鴻飛雪爪往事難留

惠山夜飲坐有姬人同園次仍用蝶庵詞韻

姬姓趙嚴

州人

人比花嬌姓堪絲繡問名云杜家秋且餅煎寒具餚切糕  
頭相逢滿酌梨花東歡場開打馬拋毬忌憂館後水明樓  
上妙囀輕謳 酒罷暗訴飄流說家本嚴灘門枕丹丘奈  
兵來鴈蕩烽接龍游琵琶彈入思歸調助空山落葉聲幽  
江山如許吳英雄難覓舊日婆留

花犯 又一體

咏浩然堂後池上白山茶用周美成梅花韻

對西風亭亭一樹箇儂好風味和烟和月也無人憐惜不  
勝清麗水晶簾額深深倚天寒私自喜似小玉夜長無伴  
上床鋪粉被 珠窗一層障疎花似無還似有共人憔悴  
愁殺是青霜輕墜記一種紅顏窈窕曾開在三春臺榭裏  
只薄命年年流落秋天涼著水

迦陵詞全集卷十六終

迦陵詞全集卷十七

宜興陳維崧其年著

和州戴本孝務旃

涇陽任璣詡庵

宛平米漢雯紫來

崑山葉澤森蕃久

三姝媚

寄遠用梅溪詞韻

柳線吹碧瓦記纔傾別酒泪同鉛灑低拍蕭娘等吳楓紅  
了再來簾下詎料而今折挫煞游梁司馬辜負伊家露上  
瓊簪麝湮綃袂况是關河旅夜數長短更聲甚時方罷  
斜壓紅稠會化為蝴蝶此歡無價恰又平明好夢與鈿花

弟 維岳緯雲 叅閱

宗石子萬

男履端 校

姪賜薛

都謝擬倩錦箋論恨慊慊難寫

紀半塘所見同緯雲弟次山姪用湘瑟詞韻

重來偏寂寂  
筭疎闌輕塵粉  
織曾拭兩兩  
雛鬟記茜衫  
小露水邊門  
側弄影疑粧  
誰耐理綉床  
刀尺閒盼山  
塘細犢金輿  
往來得得再  
向橋陰繫席  
只半艇烟昏  
千簷雨滴此  
際蘭闥定雙  
擁金鳧換吹  
鈿笛眼底吳  
娃枉自詡嬌  
紅膩白其奈  
又經過處斷  
無消息

萬年權

贈宋子猶先生七十次朱致一原韻

碧海青天歎橫江下瀨樓櫓非昨  
貝闕龍堂彈指綃宮乾却槍臥綠  
沉休拓任半世鳳飄鸞泊閒排纂  
世史長編朱黃細界疆索菰蘆景  
畧誰知向窗前諷唄肆上丸藥老

興淋漓一笑人間輕薄身亦北山猿鶴只一語臨風相託  
囑渭水好把綸竿藏舟且付春壑

壽毛卓人

猿鶴相聞說先生今歲正滿花甲又值秋晴門外金風颯  
颯鶴背朝元薄醉笑人世滄桑一霎游仙倦暫潤紅塵何  
妨傭保相雜當初竹林贈答記分携阮屐爭荷伶鍾詎  
料栖烏別後繞枝三匝誰識開元舊事只除是碧簫紅蠟  
君須醉莫負黃花糟床琥珀新壓

解語花

咏美人捧茶和王元美韻

蕃馬屏風雛鶯庭院竹下茶聲細粧樓小倚闌干外汲取  
春流淺試乳花銀蕊烟裊上綠鬟千縷溜橫波鑪火初紅

儘帶嬌憨意 捧處輕搖蟬髻問阿誰年少消受纖指珠  
鮮玉脆語笑處故惹檀郎驚起沉香亭婢只領畧凝酥佳  
麗怎如伊生小江南偏解旗槍味

咏美人捧觴和王元美韻

楚天卯色吳地鶯聲惹得愁千斛春衣慢曠且泥他粉白  
斟來蟻綠蓮鈎小感行過了銀屏六曲蟬烟鬢縹色杯輕  
帳裡圍頰玉 笑顫流蘇影簇怪佯醒不醒罰依金谷玉  
郎低囑沉醉也休作難人題目芳心暗逐羨杯底鴛鴦同  
宿趁花酣雙抱紅篝圖取春眠足

吳靜安姑丈堂中閩蘭盛開約同人過賞時有二  
校書在座

玉堂窈窕珍簾虛無細壓真珠榨蘿陰石罅隨風皺一帶

迴廊曲榭暗中香瀉列翠盞輕扶紅架美高情楚畹湘潭  
助幽人消夏 萬朶珠承雪亞更花邊淺立人比姑射髻  
蟬低卸微嗅處不數海天冰麝裏來盈把總罨住竹房茶  
舍倩繁絃併鼓倚蘭將晚涼亂惹

鳴高弟昔年曾與一年少爲狎游昨偶遇市上而

此年少已不復相識歸而悵然因記昔年都下  
緯雲弟會宿一北里某家明日拉余暨魯望跡  
之而此伎驚問誰何亦漫不相記憶與此事絕  
相類因作此詞用調鳴高他日緯雲見此定復

一軒渠也

柳花似夢鶯語初圓人遇章臺下舊愁縈惹記曾與宛轉  
風軒水榭金丸拋灑伴不認隔年司馬恨無情惆悵歸來

擬碎揉花打 因記杜陵元夜有春衣醉宿肌沾冰麝重  
來繫馬誰提起昨夜月中私話揚州夢假煩寄語嬉游小  
謝任盈盈露井倡桃向粉箋休寫

渡江雲

江南憶同雲臣和蘧庵先生韻

江豚翻碧浪憑高極望折戟半沉沙鷄籠山下路記得鳳  
城數十萬人家貂蟬掩映鐘山翠疊鼓鳴笳更參差青溪  
紅板從古說繁華 堪嗟齊臺梁苑殘月微風剩頽牆敗  
瓦祗蒼涼半林楓榭四壁龍蛇幾番夜向寒潮泊空城下  
浪打蒹葭青衫濕隔船同訴天涯

揚州感舊追悼西樵荔裳伯顛介夫諸先生并懷  
阮亭豹人穆倩定九舟次無言諸公

揚州何限好無情江水送去渺天涯風流推宋玉更有烏  
衣門第舊瑯琊珠簾壁月賓徒盛多少繁華記當年水樓  
烟郭滿地采蓮娃 傷嗟一城畫鼓兩岸紅燈共萬家鴛  
瓦都付與風彫菰米浪打蘋花牧之已老青樓換重經過  
帽側簷斜風定處隔江隱隱琵琶

送葉道子之任臨清守府

一鞭飛錦繖鳳城南去紅杏着花初建牙男子事千騎東  
方送爾上頭居碧油幢捲碾輕車小獵平蕪風流甚茸茸  
綠草淺映綉螿弧 愁予庾郎善賦江令工文任憑陵今  
古總輸與軍中陶侃江上周瑜何時玉靶元戎隊劈黃犢  
爛醉醅酥毛錐子問伊直一錢無

送蔣京少下第游楚次儲廣期原韻

向長安市上仰天長嘯悔殺彩爲毫月明無賴極又炤征  
南萬將赤霜袍掉頭仍向瀟湘去去採離騷筭襄樊幾般  
往事一半屬孫曹舟搖天低滴黛竹瘦凝斑任崖傾峽  
倒恨茫茫一軍鐵甲九派銀濤潯陽夜火黃州雪應爲我  
徙倚無聊吾衰矣漫勞送上雲霄

欲雪

碧翁將試手趁春未到要放一城花關河都凍紫風慘雲  
昏冷色走龍沙籠窗撥火料寒威來早還加簾櫳外未曾  
飄瞥吟興已無涯山家當年此日枯柳疎鴉小柴門入  
畫恰又是梅邊渡暝鴈底航斜玉塵休擬廉纖舞念有人  
新在京華凝盼處預愁綠蟻難賒

絳都春

乙巳元夜

春宵三五正碧雲合處冰輪斜挂暗省年光漫數韶華偏  
沾惹平生舊事都忘也難忘是鳳城鴛瓦無燈無火有花  
有月偶然吟寫此夜追歡買笑有天街似水暗塵隨馬  
詎料而今幾陣東風譙樓下吹去了香車羅帕春衣卸思  
量如乍且尋故老開元月明閒話

念奴嬌

雲間陳徵君有題余家遠閣一闕秋日登樓不勝  
蔓草零烟之感因倚聲和之

得憐堂後有丹樓飛起當年爭美陽夏門庭能咏絮那更  
溪山葱蒨帶雨房櫳和烟簾幙零亂東湖面碧闌干裡有  
人斜映瓊扇可惜人去匆匆而今樓下秋水帆如箭老

我三吳好男子綠鬢忽然衰賤蔓草霜濃叢祠露悄白晝  
颺颺現舍南舍北亂飛王謝家燕

附錄眉公先生原詞

陳定生建遠閣以娛 官保公寄此題之

白頭官保學東坡老子盤桓陽羨登閣携兒同眺遠點  
點峯巒惹倩玉女烟橫銅官雪霽濃淡開生面誰拈畫  
筆荆溪圖在紈扇 歎息周處英雄斬蛟射虎背劔腰  
弓箭俠氣干霄人不見變作椎埋下賤雨驟風儂狂靈  
休歇畢竟青天現闌干倚遍雕梁閒話雙燕

與任青際飲

乾坤颯颯且沽將楓葉細評今昔笑問幽州今夜雪可似  
鷓鴣裘寒色市上吹簫橋頭賣醬淚灑吳楓赤蘇貂空黑謝

郎今已破賊 不如冶葉倡條青樓白社磨滅人年月瀝  
盡并刀悲壯血看有何人憐惜白草關河黃沙唐宋只對  
孤鴻說醉澆三國周郎江岸千尺

題顧螺舟小影

如此佳人是王家養炬謝家過末三世貂蟬連北闕年少  
東華釋褐傳粉官前薰香殿側顧盼真英發臨春結綺舊  
游似有瓜葛 而今零落堪憐文園多病贏得相如渴滿  
目關河愁恨極衰草濃烟塗抹醉矣堪呵灰兮可溺田也  
供人奪苾苾哀樂四條絃子空撥

緯雲弟三十作此詞因和其韻同半雪賦

醉拍闌干歎去者苦多光陰倏忽知我平生悲憤事惟有  
當頭明月准擬騎鯨不然射虎一吐胸中鬱吳鈎負汝好

將衫袖頻拂 追想紅燭呼盧青樓賭酒往事推華閱小  
季已稱三十歲何況暮年黃歇斜閣秦箏橫攤越絕燒盡  
爐中柰憑高遠望江流一綫如髮

送子萬弟携五弟之睢陽并令二弟三弟四弟同

和他日一展齊紈便成聚首也

悲哉秋也况登山臨水黯然欲別千里長江流夜月萬里  
長城空濶白板船開青楓樹老極目徒悲切君歸梁苑漢  
家何限陵闕 疇昔讓棗推梨謝家兄弟才氣人爭說一  
夜西風吹蒼莽吹散封胡遏末兄作楚囚弟成秦贅枕上  
鶻啼血阿龍超甚教他長誦明發

阿龍五弟小名時同四弟在睢陽

附和韻

維嶺

故園兄弟正秋冬之際殊難爲別幾陣西風吹鴈冷日

暮雲連天濶此去平臺夢回水榭相憶情空切離筵宴  
罷舉頭霜月初缺 最憐早歲親亡零丁孤苦堪與何  
人說潦倒一編弓漸老悵望同枝天末客舍如家家鄉  
如客淚也都成血囑渠自愛榜師無奈催發

維岳

溪臨罨畫奈聚首幾時又成離別迢遞他鄉千里路縱  
有音書遼濶白鴈黃花纔過重九對景增凄切叅差雲  
樹望中誰是伊闕 最是弟北兄南匆匆判袂辛苦如  
何說笑指阿龍年最小此是吾家謝末誨育成成人莫耽  
嬉戲不負駒名血乾坤蒼莽慎旃車揭風發

宗石

蓼莪罷咏歎兄南弟北頓成離別一夜西風驅斷鴈月

冷後湖空濶千里睢陽三更梁苑夢裡思鄉切悲來欲  
語口中無限啣闕 幸喜故國重來對床風雨細把離  
情說毀卵破巢多少恨贏得孤身天末倏忽春深無端  
秋盡看盡楓成血扁舟江上可憐明又將發

龍眠公坐上看諸客大合樂記丁酉中秋曾於合

肥公青谿宅見此今又將十年矣援筆填詞呈

龍眠公并示樓岡太史邵村侍御與三孝廉

醉來闌入正司空筵上一羣腰鼓老子婆娑牀上坐雙鑠  
聽歌似虎一片西風千堆書燭月好青輝苦回頭往事青  
溪舊夢重作 謝公笑問兒郎此間何處畧記隋堤路老  
矣廉頗猶健飯莫負紅么翠羽人在當場曲逢入破白髮  
休予侮新磨幡綽世惟公等堪語

次夜韓樓燈火甚盛仍聽諸君絃管復填一闕

紅燭如山請四筵滿座聽儂搥鼓此日天涯謀作達事更  
難于縛虎僕本恨人公皆健卒不醉卿何苦金元院本月  
明今夜重作 總是狎客南朝佳人北里占斷蕪城路好  
景也知容易散一別沉鱗羈羽狂受人憎醉供人罵老任  
雛姬侮揚州燈火明朝人定傳語

乙巳中秋用東坡韻寄廣陵諸舊游

月明如此問江山今古幾多陳迹誰把桂輪今夜裡碾破  
楚天新碧玉白無聲銀河有影一片清虛國醉餘莫笑舊  
游吾尙歷歷 記得杜牧司勳江湖落拓曾作揚州客愛  
殺打頭天上月管甚中秋七夕一別凄然吾生可惜塌盡  
鷗鵬翼夜云深矣依稀樓外吹笛

酬歸德侯仲衡

天陰歲暮正情如中酒人初賦別忽接繁臺書一紙飛下  
梁園白雪悼遠傷離撫今追昔字字皆辛切狂歌數闕唾  
壺之口都缺 每欲窄袖輕衫礪道上小犯寒風冽耳  
後弓弦聲霹靂一片風毛雨血雅願終違壯遊未果世事  
多枝節中宵輾轉布衾今夜難熱

尤展成招飲草堂同丁飛濤彭雲客宋旣庭御之

卽席分賦同用飛濤韻

別來何久喜今朝坐上五君二仲

時坐客共七人

齊作鎮西鸚鵡

舞舞罷持杯高咏蹴踏齊梁憑陵晉魏白眼看唐宋髀雖  
生肉公然意氣豪縱 最是月落參橫主人留客不放歸  
鞭控能得幾場花下醉况是吳宮如夢錦瑟憐誰青萍負

我快作臨風弄唾壺缺盡狂歌亂擊春甕

咏玫瑰花

陡驚春去筭風光此際又逢櫻筍拂曉謝娘簾閣畔忽逗  
賣花聲韻籃底氤氳擔頭狼籍紫艷濃香噴佳人競撚看  
來和露尤俊 最愛別樣心情天然梳掠偏厭紅英襯揉  
得花魂魂盡碎另作一番安頓焙入衾窩薰歸裙縫細細  
調紅粉玉郎不覺錯疑戴向雲鬢

八月初七夜對月呈李湘北太史

帝城今夜正萬家齊看一鈎新月炤過龍樓和鳳苑來照  
盈顛華髮冷露初零清輝未滿玉宇都清切六街香霧也  
知絲管難歇 最是太液詞臣金閨才子對景偏軒豁退  
直玉鞭搖闕下鴛瓦一時堆雪白可騎鯨廣能射虎醉擊

遊陽詩全集卷十七  
九  
惠立堂  
珊瑚折料應相念有人孤館愁絕

初八夜對月飲紀伯紫處士寓

揮杯一笑恰舉頭又見昨宵明月如此清光兼老伴遺恨  
真無毫髮蓮子輕拋蘋婆細劈慢取橙盞切風前倚幌滿  
城曉角初歇 可惜萬事蹉跎半生偏側難得胸懷豁誰  
把銀河墜下瀉快作西山積雪感極關河愁深砧杵一寸  
心俱折爲渾脫舞乃公直是奇絕

初九夜對月飲吳默巖太史寓齋

中宵狂叫憶曹公有語明明如月更記謫仙當日句明鏡  
三千白髮入洛年非游燕才盡幸舍歌幸切空墻老驥歎  
霜猛氣難歇 詎料宣武門前長椿寺側竟見秋堂豁更  
借一尊桑落酒光汎素蘂飄雪一片鄉心三更鴈叫拚把

刀環折角鷹刷羽脫鞵固是橫絕

初十夜對月同山右吳天章中州彭中郎吳門周  
子倣章素文飲汪鈍庵戶部寓廬

虎丘石上記曾經看過幾場秋月錦隊花城渾不夜一縷  
歌喉如髮此際他鄉故人對酒一倍關情切爲歡休晚中  
原軍鼓初歇 漸覺帝闕寒生天街露悄醉把雙眸豁地  
界袁曹多戰鬼危語頭鬚成雪 上句彭中郎詩蕭瑟西風淒涼北  
里鴈柱等都折霜螯飽噉不知前路愁絕

十一夜黑窰厰對月龔芝麓先生招陪諸公送董  
玉虬侍御之任秦中

董公健者到秦川正看秦時明月立馬灞陵橋上望極目  
應添白髮馳道雲埋重關日落金鐵爭摩切忼慨懷古西

風颯颯難歇 今夜客餞青門馬嘶珠絡好遣離愁豁高  
處憑闌飛火樹光映鳳城如雪暫領河湟旋朝京闕丹檻  
看重折木皮嶺上鴈書休使稀絕

十二夜對月戲柬劉公弼吏部時吏部新納姬

今宵閒想問誰家書閣一雙人月細把朝衫薰葢菴徐縮  
八盤玄髮人有琴心家居穎尾風調偏親切紅窗爾汝夜  
闌一倍難歇 爲語十二樓中金風初厲莫任瓊扉豁遙  
憶掃眉驅使處茉莉萬枝香雪天與貂蟬地多金粉笑揀  
名花折獨憐銀漢有人擣藥愁絕

時公弼舊  
姬方臥疾

十三夜大宗伯王敬哉先生招飲是夜無月

先生語我正一生消受帝城烟月紅燭短時橫笛噉夜雨  
開元白髮霜咽遺弓風悽內苑畫角聲酸切

先生時述  
世祖遺事銅

盤承露淚如鉛水不歇 曾記樛杜笙簫長楊刀箭從獵  
霜林豁父子一時連上相印紐銀螭臥雪別墅初成淮淝  
已捷屐齒何曾折談深酒冷藜藜街鼓將絕

十四夜對月同王阮亭員外

三更以後碧天剛碾上一輪圓月嬌女故園應學毋宛轉  
畫眉梳髮古巷蛩吟小窗鴈語觸景成悲切南飛烏鵲繞  
枝何處棲歇 我欲吹裂玉簫拓殘金戟小把愁腸豁生  
不神仙兼將相負此秋光堆雪燈下吳鈎腰間寶玦拉雜  
都摧折明當竟去終南聞道奇絕

十五夜宋蓼天太史招飲以雨不克赴少頃月出

同緯雲魯望兩弟暨曼殊小飲寺寓

吾生萬事沉思遍都似今宵之月只到圓時期便左揉得

曾稱鉅鹿白浪轟厖黃沙蒼莽霜蝕田夫屋車中新婦任  
嘲髀裡生肉 太息張耳陳餘當年刎頸末路相傾覆長  
笑何須論舊事泚水依然微綠欲倩燕姬低彈趙瑟一醉  
生平足并陘日暮亂鴉啼入枯木

鄴中懷古

滏陽南去望鄴城一帶逼人愁思記得群雄爭割據健者  
曹家吉利公子綵毫佳人繡瓦快意當如是漳河鳴咽至  
今猶染紅淚 猶憶秋夏讀書春冬射獵泥水譙南地轉  
眼寒烟縈戰壘耿耿還留霸氣賀六渾來韓擒虎去苑樹  
都如齋論人成敗世間何限餘子

題季端木小影

丹青一幅是西湖好手戴蒼之筆年少者誰真秀絕不讓

王家摩詰綉虎清才食牛奇氣刷羽霜空失科頭箕踞襟  
情一往蕭瑟 寄語莫賤羅囊人身似爾頭地終須出安  
得畫師乘快墨并寫驂騮十匹歷塊過都莖燕秣越此事  
爲君必若翁大笑看君長繞吟膝

紅橋園亭讌集限韻

時有魚鮫  
書在座

霜紅露白借城南佳處一餐秋菊更值群公聯袂到夾巷  
雕鞍綉軸一抹紅霞三分明月此景揚州獨揮杯自笑吾  
生長是碌碌 且喜絕代娥媼玄機娣姒風致偏妍淑惱  
亂雲鬟多刺史何況閒愁似僕小逗琴心輕翻簾額一任  
顛毛禿倚闌吟眺雲鱗墳起如屋

讀顧庵先生新詞兼酬贈什卽次原韻

老顛欲裂看盤空硬句蒼然十幅誰拍袁絢鐵綽板洗淨

琵琶塲屋擊物無聲殺人如草筆掃魏毫秃較量詞品稼  
軒白石山谷 記得戲馬長楊割鮮下杜天笑温堪掬玉  
靶角弓雲外響捎動離宮花木銀海鳥飛銅池鯨舞月照  
孤臣獨江潭遺老一聲寒噴霜竹

送朱近修還海昌并懷丁飛濤之白下宋旣庭返

吳門仍用顧庵韻

住爲佳耳問先生何事急裝趨肅曾在竹西園子裡狼籍  
釵微釧逐別酒紅擎離帆綠飽人上蘭舟宿君行烟裡吳  
山螺髻新沐 可惜世事匆匆陡然方寸起岡巒陵麓誰  
倩石尤吹鷁轉并轉丁儀宋玉無數狂奴一群蕩子屯守  
倡家屋此情莫遂悄然熟視楓菊

被酒呈荔裳顧庵西樵三公并示豹人孝威梅岑

舟次方鄴希韓女受散水諸子仍用原韻

僕何爲者是東吳愁客最能擊筑記得阿奴年少日曾直  
高人品目甚矣吾衰時乎不再二語那堪讀朱門列戟此  
中何限梁肉 幸遇袞袞群公憐而召我共看東籬菊我  
意亦思歸去耳聊葺溪干破屋行乞歌塲爲傭屠肆也覓  
三餐粥安能豁刻矯廉長效孤竹

紅橋倡和集成索李研齋序孫介夫記作詞奉東

并呈冒巢民先生仍用顧庵韻

夔門蜀棧是史家粉本先生所獨更有孫樵雄且健暗裡  
漢書能覆二老縱橫兩篇記序並逐中原鹿古文奇字他  
人恐不能讀 直可抵突曾王激昂韓柳揖歐陽永叔我  
與浯溪曾有約采入文抄篇幅細寫千行高吟百遍音響

崩崖屋遇當佳處澆之苦茗芳菊

贈阿秀并呈西樵

晚風迴處忽簾開影露髻烟微綠驀地見人猶掩歛裙與  
闌干爭曲縈損紅巾撥殘錦瑟頓惹愁千斛客來休入請  
看門外金犢漸覺殘內鱗皺箒邊鴨瘦航事卿須錄生  
世諧逢王吏部繡佛還工惜玉愛爾嬌憨嗔人拘管按碎  
釵兒菊晚攜素手碧天雨過初沐

曹顧庵王西樵鄧孝威沈方鄴汪舟次季希韓李

雲田兄散木皆有送予歸陽美詞作此留別

此諸公者乃狂歌未已離歌又促僕本恨人臣已老怕聽  
將歸絲竹振柝秋空發船月夜濁浪堆銀屋我行去作荆  
南山下樵牧被酒膝席相呼人生長聚那得同麋鹿歡

伯却輪愁鬼厚只是與人追逐天若有情地如理恨此會  
何難續他時念我杜陵男子蕭育

送沈方鄴還宣城兼懷唐耕鴨施愚山梅子長同

西樵用孝威韻

歸兮何暮歎風塵經歲迷陽却曲憶我同君爲狎讌夜夜  
彈絲吹竹弟畜余顧人呼沈瘦側帽談公穀

方鄴美須人  
顧業春秋

身似此安能仰面看屋故里才子都官舍人唐老英妙  
兼耆宿更有肩吾能愛我客舍綈袍情篤歸見三君雪深  
一尺定理尋詩躅尺書好寄江船不乏千斛

延令季滄葦席上送周子做計偕京師

長途迫歲正黃河飛雪馬都沒腹袴縛黃皮雄舞稍那顧  
從奴蝟縮斫彘屠門射雕塞上生啖黃獐肉看君意氣真

成勇過賁育 况是歷落盤龍風流公瑾海內標名目此  
去長安聲價重定壓庾徐潘陸愧我牢騷借人杯炙送汝  
登華軸慈恩題罷歸鞭春晝須速

廣陵客夜却憶吳門同吳梅村先生暨葉詵庵盛  
珍示王維夏崔不雕李西淵范龍仙王升吉飲  
錢宮聲宅時有新鳳賴鳳二校書在座

月之十八記諸公共飲錢郎書屋祭酒能爲解散髻下語  
千人都伏東觀各卿南朝才子爭舉觴相屬莫愁更鼓任  
他燒短紅燭 何意尊合杯闌一雙么鳳齊注橫波目假  
使客中皆此夜詎羨八州之督上客如風佳人似雨薄命  
余同鞠鞠兮惜汝一生長被人蹴

季滄葦宅夜看歌姬演劇卽席成詞并示張天任

因元五丹九儀戴弘度季孚公希韓咸季李三  
友朱石鐘諸子

吾生詎料也曾經親聽諸姨法曲非月非烟非霧雨非肉  
非絲非竹不易描摹最難忘記耿耿縈心目依稀梁畔暗  
塵飛墮千斛 昨者我渡江來正沙深月冷浪花堆簇飢  
蜃饒蛟渾不怕我有聽歌奇福拍到殘時人將散處樂往  
傷幽獨重逢難必岸巾且吸船玉

重過廣陵同王西樵孫介夫夜話卽宿西樵寓中  
登車一歎歎羊裘已破朔風如鏃枉道那辭三百里爲與  
瑯琊情熟却遇與公鏗然展響也過東頭屋三人相對寒  
燈淡暈生綠 少頃客去余留王公呼我大被從君宿睡  
說三冬岐路事起坐何煩頻蹴綿定奇温居殊不易握粟

憑誰卜車中霜滿夜寒私語童僕

寄董玉虬侍御秦中

黑窰秋夜記臨風痛飲黯然言別我去汴城君繡嶺一樣  
前朝陵闕麥積山高木皮嶺滑度隴何須怯漢家節使天  
邊鏡吹不絕且自擲帽狂呼繞床大叫盧采輪誰喝莫  
聽渭橋嗚咽水殘了秦時明月鑿空音張騫絕兵鄧艾此  
事真人物驪山下料應紅樹如血

汝南七夕病中排悶

誰家砧杵釵中原秋夜碧來如此何況今宵逢七夕天上  
鵲橋成矣人說黃姑貫錢營室捱盡愁滋味可憐阿堵神  
仙亦被驅使我笑此語荒唐古今稗史誰是誰非是翻  
怪頻年瓜果開溷我婦人女子僕病未能吾衰詎憊軀腹

爲佳耳汝南城下月明何限殘壘

半雪弟四十詞以贈之卽次其自壽原韻

推梨讓棗記弟兄幼小講堂嬉戲暇則讀書兼擊劍不識  
世間程李捫蝨雄談屠龍絕技豁達饒奇計旁人嘖嘖陳  
家郎差足矣詎料輶轅半生蹉跎萬事不稱男兒志從  
古多才人失路蕩子酒徒而已白髮無根青衫有鬼兀坐  
愁城裡還勝飲否飲時盞與重洗

鄴城感懷寄緯雲弟都下

漳河南下被浪花打散鄴宮遺事總是英雄兒女恨釀就  
千年霸氣馮淑妃來慕容廆去誰問他曹魏銅臺綉瓦至  
今換作殘壘白頭來到中原吳鉤醉舞不耐濤聲沸春  
鴈成行都北往謂緯雲子萬只剩離鴻一對一滯吳關謂半一

留趙郡也

自謂

夜冷那能睡闌干拍遍凄然長念阿緯

迦陵詞全集卷十七終

迦陵詞全集卷十八

宜興陳維崧其年著

武進周清源雅楫

錢塘高士奇澹人

選

華亭王鴻緒儼齋

崑山葉 淳淵發

念奴嬌

宋景炎席上贈柘城李蓼墅

中年以後早傷于哀樂頓成頭白適過章華為劇飲倏遇  
中原詞伯劍氣縱橫酒腸跳盪老筆蒼無敵霜寒月苦為  
君細吐胷臆 今夜玳殼斑斕紅絃郭索搥鼓催行豕難  
得他鄉歡笑極况有吳兒似雪君欲歸邪住為佳耳底事

維岳緯雲

參閱

宗石子萬

男履端

校

姪賜薛

搖鞭急回聽筵上歌珠一串堪拾

用前韻酬柘城李子金

雪飛千里步睢陽市上忽逢李白笑顧羣公摩腹語空洞  
容卿什伯嚼蕊吹花馬稍各理豪蕩真難敵轟厖拉雜酒  
酣披瀝衷臆聽說滄浦鮫人鞋山龍女嗜古如牛炙曾  
挾奇文過灌口浪打片颿堆雪豪奪何傷書淫不悔那畏  
波濤急擲書施底百靈任爾爭拾

用前韻酬鹿邑張子武

昇仙臺上說當年風景縈青繚白曠望層湖窗撲水鴈子  
鳧雛千伯物換星移海枯石爛劫手棋逢敵至今廢館野  
花叢草沾臆久矣仙不如頑哀多于樂且把鵝笙炙漢  
武秦皇今縱在也飽炎風朔雪飲酒千塲讀書萬卷此外

非吾急醉人須恕懷中憤墮難拾

老子鹿邑人  
邑有昇仙臺

用前韻酬柘城王叔平

丈人安坐看三更簾外明星初白壯不如人今已老臣是  
江東亭伯萬事都非一年將盡才命交相敵悲歌何益且  
須美酒澆臆幸遇梁宋諸公焚香梯几曲室紅爐炙干  
載鄒枚今尚在暫緩顛毛成雪袞袞祥鸞栖栖窮鳥來日  
翻飛急長鏡短柄空山橡栗能拾

睢州田子益唐浙林孫嘯史徐次微袁信庵褚宸

宣吳子純侯長六諸子邸中沽酒飲我別來數

日荒村風雪有懷昨游用前韻寄之

三間老屋糝六花千里籬門都白伏枕窮村鐺折脚誰是  
巨卿元伯憶昨諸公惠而好我酒把奇寒敵自君之去離

思萬種填臆 當日說劍談天吹簫刻燭敲蹀憑君炙幾  
日分攜人總老况值打頭風雪才退貧居心灰老至只有  
朋情急來春睢渙汀蘭期爾同拾

梁紫有和予百字令詞因用前韻酬之送其暫返

錦池兼促卽來梁苑

朝來急霰似千層浴鐵一軍都白何事嚴裝偏早發鞭指  
荒臺闕伯萬籟悲號六花狂舞歸騎疑衝敵離杯當盡人  
生有限肝臆 感爾學富侯鯖才同禁鬻偏嗜秦人炙也  
擬寒天牽老伴消過殘冬臘雪上豕龐公移居杜老別遽  
來須急犇車沙穩好將家具收拾

送錢礎日歸錫山同雲臣和曹顧庵韻

憐吾與汝只年將五十尚然棲逸樂上功名難辦取且自

弄他文筆借面弔喪送人作郡歲歲饑驅出傍人大笑稽  
康身嬾多蝨 回憶舊日酒徒凋零畧盡愁殺松楸密恰  
似枝頭花欲謝祇剩十分之一歸聽鶯聲好携芒屨野服  
須遮膝九龍山下仙糧何限芝木

冬夜聽梧軒題王右丞初冬欲雪圖

填詞社  
第三題

炎天看此便陰陰也覺滿林飛雪何況今宵風正吼絕塞  
膠弓都折冰裂龍堂凌鋪貝闕萬里關河結長空黯澹乾  
坤景色真別 安得盡做瓊樓早催膝六一夜看親切玉  
戲定知應不遠料也無過來月水墨纔皴同雲暗釀人意  
先清絕只愁僵臥怕他近恁時節

留別錢礎日卽用其見贈原韻

昔年作客記美人劍士逢場都有燭淚堆槃簾舞雪薇帳

輕紅垂斗劇孟家邊莫愁村外恰對銅街口爲歡并日底  
須寒食重九 今日騎省飄零蘭成憔悴辜負箏琶手拍  
徧關干人事換贏得一場搔首歸去雙溪重尋三徑麋鹿  
真吾友愁來易醉慎毋多與之酒

春日讀京少梧月新詞寄題一闕并呈尊甫慎齋

給諫

斜風細雨筭心情一往柔如春水梧月新詞剛入手脫帽  
忽然狂喜鸚鵡雕籠蠓磯古廟字字俱精綺時讀京少咏  
鸚鵡過孫夫  
人廟高才妙作定摩秦柳墻壘 寄語尊甫先生陳生別  
後憔悴吾衰矣舊日酒徒零落盡相隔雲泥朝市燹爨孤  
城夜郎遠宦歸况今何似傳柑家讌道余問訊如此

和于皇梅花片茶詞卽次原韻

梅精近日嫁茶星

于皇自署茶  
村又曰茶星

合併相呼也得拾取粉英

煎雪乳光映翠磁都白便趁春陰亟修水遞消遣天如墨  
故山茗事正應近恁時節 常笑龍鳳高名旗槍槍父不  
稱瓊瑤液只借隴頭千百本隱隱吹歸橫笛點染天香萎  
除俗艷小泛真珠色花情水味融成一片無迹

葵花

東君罷繡剩猩絨一束亂拋墻角迸出戎葵娛永晝遶徧  
閒庭綽約蝶疑檀心蜂粘紫靨爛比朱霞駁翠簾如水襯  
他榴火燃灼 別有小小錢般離離錦樣曾向川江濯謂  
蜀  
錦葵誰道房櫳春去久依舊紅芳似昨苦被陰濃遮他紅  
日愁殺傾陽藿金烏早醒海天鷄正哢喔

戲題終葵畫

鍾馗一  
名終葵

誰將醉墨潑長箋寫作十分奇詭鷓鼻鷹肩形狀寢風刮  
鬚毛攢鬚空驛啼杉顏崖嘯葛目欲營天地三閭呵壁荒  
唐情態如是 休只破宅蹒跚荒江狼狽幽宵尋魑魅鼎  
鼎試看朝市上何限押揄之子臥者爲尸坐而成冢擇肉  
須來此笑渠笨伯翻愁鬼以公戲

讀屈翁山詩有作

屈名大均番禺人初爲廬山僧後徧歷九塞登華山挾秦女以

歸

靈均苗裔美十年學道匡廬山下忽聽簾泉厯冷瀑豪氣  
軼於生馬亟跳三邊橫穿九塞開口談王霸軍中毬獵醉  
從諸將游射 提罷匕首入秦不禁忍俊縹緲思登華白  
帝祠邊三尺雪正值玉姜毛女名思嫁笑把嶽蓮亂拋博箭  
調弄如花者歸而偕隱白羊瑤島同跨

夏日看荷花作

後湖長蕩見烟鬟霧鬢紅粧無數葉暗荷深三萬頃一片  
嫩涼成雨映水逾鮮倚風欲笑月又明南浦隔江試采有  
人一樣心苦 曾在太士臺前文人舌本幻出花如許一  
自汚泥淪謫久悵望瑤池懸圃漢苑飄香吳宮墮粉幾遍  
閒簫鼓何時華頂與君携手歸去

月夜看桂花

淒清庭院乍金飈壓下一天黃雪恰值爛銀盤又上冷浸  
水晶宮闕陣陣天香蕭蕭夜色花影扶疎絕誰家墻外洞  
簫不住嗚咽 記得玉兔金蟾團圞百畝碧落分枝葉自  
遇吳剛修桂斧浪被人間攀折萬里空明一尊漱灑肯負  
當頭月姮娥莫笑老顛狂與如鵲

甲寅九日追感京洛舊游悵然成咏

無枝烏鵲記前年此日翻飛京闕曾預群公奠酒讌玉佩  
珠袍齊列白月千門青天萬帳笳蓋真軒豁彭城南郡坐  
中多少人物 今夜故國荒原長江怒浪悲嘯魚龍發生  
怕西風吹破帽我有髭絲新雪何處登高無人送酒俗箴  
重陽節縱然高望戰旗一片明滅

臨津懷古

笛聲緊處向霜空削下一天秋氣我買蜻蛉剛六尺紅樹  
之中斜繫聞說當年從來此處劇號繁華市如今只有古  
祠閒映流水 歷數漢苑唐陵滄桑轉瞬大抵皆如此繡  
嶺金墉都換了何況彈丸黑子賽鼓前村巫歌極浦斷礎  
到羊豕滿陂紅葉老鴉銜上晴壘

西沈舟行遇颶風同南畊賦

天吳作劇鼓洪濤頊洞雷轟雪沸怒鬣淫滌掀宇宙頂刻  
半湖純晦白浪懸崖黑雲壓櫓人命同於蠶太湖倒板喧  
颶那許龍睡 我見天水犇騰帆檣飛動騎上霜篷背醉  
作孽窠書斷岸字蹟淋漓怪偉亂石將崩孤城欲沒老樹  
森奇鬼一群野鴨帶啼觸響叢葦

途經溧水是宋周美成作令地慨焉賦此

詞推北宋有周郎香弱集名片玉未向大晟填樂府此地

先留芳躅隔浦蓮嬌滿庭芳麗唱盡相思曲

隔浦蓮滿庭芳詞俱美成

在溧水

署中作 小亭姑射當初何限花竹

美成令溧水時署中構一亭名曰姑射

彈指六百餘年詞人重過此閒愁悵觸一自汴京時世換  
絕調幾人能續冷店騎驢野航聽鴈客睡何曾熟蔣山在

望可憐依舊凝綠

炙硯

當年雪夜記貪歌嗜酒衝泥拖屐三十六簧寒不起醉把  
紅鵝笙炙脫帽顛狂解衣盤礴碎裂黃皮褶詩書何用任  
他堆老墻壁 今日冷淡生涯忍寒呵凍苦伴端溪石熾  
盡朱門紅獸炭翻惹蟾蜍淚滴銅雀臺荒中書君禿况是  
磨人墨直須焚却吾今老情無匹

用君苗  
然視事

送韓聞西之吳門

虎丘鶴澗問狂奴綦跡綠苔偏熟前月中秋停片舸特地  
來聽絲竹爛醉高歌墊巾側帽飽看晶輪沐平生疎放幾  
曾甘受羈束 今日帳後髯參車中新婦舉止何羞縮咫  
尺青溪難寄興何況雲山斷續君過橫塘船窗凝望定見

寒崖綠爲余傳語比來離恨千斛

將發金陵前一夕大雪挑燈不寐悶填此詞擬歸

示蘧庵植伯雲臣竹逸諸先生暨大士表兄南

畊表弟

瓊窩粉窖儘六花一夜天公兒戲鑪火微紅官燭冷那不  
寸心如碎北渚田荒西疇租少枉說豐年瑞停杯大笑伯  
符志業難遂 遙憶故苑風光釣徒詞客多少顛狂意好  
箇雙溪真畫本小閣於中位置萬玉編簑千銀綴網漸理  
探梅事曲阿道上定憐風雪歸騎

春日玉峯葉九來招飲半繭園時梅花正開酒間

話舊有感

九來向與吾邑某氏歌姬有目成  
之約今此姬已屬他人故及之

賣錫天氣恰春光嬌到九分時節城下小園圍綠水無數

畫廊周折蝶翅愁紅蜂鬚簸煖滿院繁英纈君如不醉花  
時枉詡豪傑 記否二十年前襄王筵上衆裡香曾竊金  
縷衫邊桃葉淚多少細憐輕閣柳絮簾櫳花枝年紀事去  
和誰說凭闌一夢帽簷慘徧時雪

范龍仙齋頭喜遇婁東許九日賦贈

六千三萬筭老顛此後終當樂死十載詩名成底用何限  
東西衛尉一語驚魂杜陵曾說王將奴才子問他奴價而  
今果否如婢 君已髻點吳鹽憐余種種亦復肩隨矣浮  
世幾場開口笑盜跖也知如是 盜跖有云開口而  
笑者月不幾日 燕子年  
光蠹娘庭院且住爲佳耳楊花如夢滿城日暮飛起

祖園與玉峯徐孚若話舊廻用前韻

立談數語似項王帳後楚歌齊起又似隣船商婦泣一夜

琵琶聒耳紅粉辭鄉青袍失路從古原如是子規頻喚明  
朝春又歸矣 拚取僧院聽鐘歌樓持鉢老作吹簫婢萬  
事灰頽吾不恨只負柔奴車子滿幅花箋半床珊瑚怕殺  
藍田尉單衾空館鴨爐紅瘦香死

讀孚若長歌卽席奉贈仍用孚若原韻

霆轟電掣筭君才真似怒濤千斛百感淋漓風驟起劈裂  
滿堂樺燭公醒而狂人憎欲殺抵鵲何須玉春衫老淚鮫  
珠瓣瓣堪掬 不記三十年前灌夫使氣嗔啗驚隣屋彈  
指蓬萊今又淺短髮可能長綠詩酒前緣鶯花小劫世事  
彈棋局關山笛破欲吹吹不成曲

徐孚若招同諸子過飲余以怯酒先歸賦此言謝

華堂鯨吸看羣公轟飲投瓊博簏髯昆陽軍馬沸屋瓦

一時都壞畫鼓千搗銀罌百罰促數籌如蠱人間堪唾紛  
紛會擲天外 我已悶走窮賓關通逋客逸出糟丘界愁  
極逢歡偏易感莫笑邇來胡憊遙憶杯前此時月下滿座  
傀儡態朝來早過一簾酒氣還在

丁巳仲秋廣陵寓中病瘡不獲爲紅橋平山之游  
悵然有作奉東觀察金長真先生并示豹人穆  
倩孝威定九鶴問仙裳皎門叔定女受仔園龍  
眉爰琴扶晨無言諸君

最無聊賴又西風吹到隋皇宮闕明月橋邊烟景換依舊  
玉簫淒咽綠水全昏黃花早瘦往事憑誰說江山如畫恰  
逢愁臥時節 安得桓石虔來爲驅瘡鬼放我眉梢結更  
把杜陵奇險句高咏子璋熱血僕病何妨人言可憎去聲笑

汝挪揄物曼聲狂嘯碧雲片片都裂

呼桓石虔來可以斷瘡又昔人評老杜子

璋爾體血模糊手提擲還崔大夫二語亦可已瘡

丁巳中秋玉峯徐季重葉九來招飲三友園同集

爲宋旣庭劉震修潘次畊徐立齋閣學顧恪如  
宋南金卽席分賦

插天峭壁被風吹月浪洗來逾綠嵌壑蒼崖鱗鬣動萬隊  
熊蹲獅伏碧海青天年年今夜長見金波浴姮娥耐冷一  
輪細碾圓玉 况復地有名園人逢上客消盡愁千斛瘦  
石小橋苔逕悄掩映疎花秀竹更上山巔龍川墓上爲我  
澆醪醪醉歸夜靜滿身零亂金粟

山上有朱劉過墓

題劉震修小像卽次原韻

平生謾罵笑紛紛眼底汝曹何物醉後孽窠盤硬句沈徧

倡樓粉壁柳絮繁鞭花枝低帽狂煞何曾歇側身攬翅肉  
鷹颯爽毛骨誰料同學少年半封侯去剩我漁舸隻擊  
碎唾壺顛欲死往事明明如月君賦離鸞僕歌老驥一樣  
關情切中秋近矣人間萬頃晴雪

賦得朝雲墳在落花中爲黃天濤悼亡姬陸羽嬉

作南陽鄧孝威有絕句云休啟疎簾還遠望朝  
雲墳在落花中天濤有一扇扇上并圖此景

南陽詞客慣多愁善感最能吟寫近爲黃郎題恨句凄咽  
如聞夜話說道江鄉每年寒食細雨啼山鷓落紅萬斛朝  
雲墳在其下更被水墨輕描丹青澹抹倍把愁腸惹短  
短墓門花似血點入倪迂小畫蝴蝶成團蕪蕪滿路鬧殺  
前村社倚樓人在爲他淚點銀帕

壽蘧庵先生七十一乙卯元夕

後九日

元宵過了喜華筵重照銀花火樹南極老人星獻瑞恰接  
春燈三五族壓溫邢才雄管樂伯仲齊伊呂昇平盛事堯  
年老鶴能語今日髣髴蕭蕭關山歷歷也長安何處三  
見蓬萊清淺甚一笑人間今古鐵笛仙翁錦袍學士暫溷  
漁樵侶隔江長嘯月明何限更鼓

送吳豈行歸宣城兼寄沈方艸梅耦長

豈衍工詩  
善篆刻季

野先生  
嗣君也

淋漓頓挫借杜陵長句幻成波磔兀臬蒼涼盤瘦硬鬱若  
烟颿浪船曉削虛無瑠鑄形狀萬壑蒼皮坼李潮吾衍古  
惟二子堪匹歎息世態媿娶人情洪湏奇字誰曾識只  
有敬亭山色好鎮日相看亦得歸臥烟霞間逢梅沈定問  
余踪跡豪情冶興爲言都不如昔

邊陲詩全集卷十八  
十一  
惠立堂  
小盃春蘭盛開與水仙相掩映瓶梅暗香復爾清  
冽雨窗無事婆娑其間詞以咏之

蘭滋梅粉被宵來厭浥嫣然新沐曉色幽幽涼逼硯冷翠  
遙連苔竹更喜仙葩纔離水國也把幽芬撲嬌痕媚靨一  
時雨後開足浪說天上瓊花月中桂子多少閒榮辱只  
有疎枝和野卉領教一生閑福散髮林端支頤澗側日取  
南華錄素蕊凝雪小廊又報茶熟

緯雲弟八載京華昨始旋里尙憇西村未遑握手

先寄此詞

湖帆浦笛是吾家遠閣闌干間物下嵌老梅鋪鐵蘚點綴  
池塘峭壁八載難歸百端橫集往事成鴻雪長安輦上知  
他若箇豪傑喜汝徑辦歸裝買揚州小婦趁春潮發夜

火羗村宵夢穩笑問燭因誰滅我在街南何時相對訴盈  
顛華髮更闌吟罷明明此意如月

憶半雪懷緯雲南鄉子詞有云燕關三度梅花不

共看之句今梅花開候緯雲南返而半雪之墓

已宿草矣詞以志痛仍用前韻并示猶子履端  
嗟乎余仲歎詩顛酒渴化爲異物記把一樽長憶弟白晝  
吟聲撼壁每到梅開便啼鵲血紅了千林雪金臺可怪是  
他羈絆英傑今日罨畫溪橋天涯人到也梅花重發只  
是題詩人去久字蹟也應磨滅故國茱萸殘年棣萼恨事  
多於髮水明樓上窓楞界上纖月

將之梁園舟中有感和大兄前韻 宗石

并州漸近想草堂無恙初冬景物罨畫溪雲曾飽玩怕

遊隱詩全集卷十八  
十一  
惠立堂  
玩烏衣巷壁兩月家鄉十年客路多少風和雪故園若  
輩誰爲捫虱之傑 可惜擊楫中流英雄人去蕭瑟西  
風發我倚帆檣無箇事夜看疎星明滅滄海何心桑田  
增感此理真如髮行藏隨遇試看天上明月

南耕堂前綠萼梅花下作用東坡赤壁詞韻

空庭何有笑幽花以外都無長物一樹綠毛么鳳挂零亂  
明窗粉壁斜倚闌干微拋酒盞笑玩林間雪春寒猶近東  
禽驚起傑傑 可惜花似當年看花人漸老悲歌空發料  
得前村花更好和了水雲明滅欲折繁英倩他壓帽絕稱  
蕭蕭髮角聲吹落塔前堆滿晴月

春日同緯雲南畊徧歷南嶽諸園林仍用赤壁詞

韻

春山勸我只今朝須盡此杯中物莫把閒愁千萬斛題濕  
酒家墻壁石畔泉流林間風起颭數枝香雪一樽酌取千  
秋射虎人傑 况值北鴈初歸巖花隨飲典共參差發何  
限向來哀樂事一笑浮漚生滅日落帆輕花欹帽重瑱翠  
侵毛髮瀕行戀戀空山定好明月

玉峯闕若韓盛珍示王成博丘近夫諸子公讌余

葦於南芝堂席上同青際竹逸緯雲紀事用赤

壁詞韻

玉峯高讌看簪裾滿座一時人物况值杯中山色好吸取  
晴崖翠壁金馬新知銅龍舊識只我頭成雪烏絲題徧群  
公漫許詞傑 坐有舉舉師師褰簾纔一笑嬌歌先發若  
使主人知此意應遣蘭堂燭滅住固爲佳居殊不易種種

余之髮明朝歸去綠篔簹長釣溪月

由亳州至歸德途經木蘭故里有祠在焉

苔垣蘚逕見靈旗玉貌娟然幽處傳是木蘭遺廟在多少  
神絃賽鼓繡袷蛾眉紅粧猿臂颯爽真軒舉雌雄撲朔世  
間何限兒女 今日滿目關山極天士馬殺氣連營苦安  
得月明飛錦繖壓倒蕭娘呂姥娘子軍空女郎祠圯俛仰  
悲今古空墻壞壁畫衣剝落如雨

贈雪笠上人

上人係石城僧  
時寓居睢陽

小長千里記巖花嶺鳥六朝僧窟一自秣陵凋敝後難憑  
故山瓶拂感踏天龍捍彈獅象人境俱雙奪衲衣手旋曾  
經幾載飛雪 可惜梁孝園荒侯嬴館廢往蹟多磨滅誰  
耐枯禪耽澹漠隱隱眉間俠骨古寺城根破

殘碑碣秋行至矣茅堂相對疎諮

周弁山携具八關齋同亦人恭士子萬弟諸君快

飲風雨颯至炎歊盡解詞以紀事

狂飈挾雨恰水車鐵騎一時碎擊倒拔南湖高十丈無數  
巨魚人立飽噉哀梨橫驅陣馬徙倚清涼國臨風一笑蝟  
毛鬚捲如磔 記否烟雨樓頭舊游星散多少南和北二  
十餘年吾竟老贏得暮雲堆碧只有周郎仍然年少同作  
天涯客無多酌我為君起弄長笛

開元寺納涼聽客話闖賊破城舊事

夜涼水寺有白頭閒話傍蝸牛屋說起黃巾初入洛正值  
中原百六萬馬俱瘖孤城欲沒殺氣騰原陸鬼謀人社啾  
啾市上歌哭 語久嗚咽難勝向戍樓借取四條絃續不

見女牆純鐵色恨血至今猶綠落日黃河老鴉白項啄盡  
賢豪肉休論往事碧天今夜新沐

游京口竹林寺

長江之上看枝峯蔓壑盡饒霸氣獅子寄奴生長處一片  
雄山莽水怪石崩雲亂岡淋雨下有龍鼉睡層層都挾飛  
而食肉之勢 只有鐵甕城南群山羸秀畫出吳天翠絕  
似小喬初嫁與顧曲周郎佳婿竹院盤陀松寮峭蒨最愛  
林臯寺徘徊難去夕陽烟磬沉未

毘陵道中有懷四弟五弟即用四弟感舊原韻

麥仁店後記斜陽分手柔腸欲絕從此南飛餘一鴈肅肅  
長征不歇絮盡蘆汀拍殘楓岸風景增悲切昨過江上楮  
圻一片成血 今日貰酒蘭陵銅官列岫向水窗明滅惡

浪怒濤經過了纔見故園秋月短髯聊蕭左車搖動狗寶  
嘲余豁夜長獨睡布衾僵臥難熱

附感舊原韻

宗石

式微王謝嘆飄蓬感慨悲歌欲絕記得承歡聯鴈序嘯  
咏何時暫歇故國江山梁園風景夢裏增悽切登高悵  
望孤兒淚盡成血 恨少十萬黃金供吾揮灑意氣何  
曾滅成敗總同蕉鹿夢好似春花秋月健筆元方謂大兄  
饑驅阿季相對愁難豁遙思遠閣有人間把香蕪遠閣先少保公讀書處也  
今三兄居焉

秋夜携姬人稚子借宿椒峯東園追憶與白生讓

木叔氏虞掌讀書此間已十七年矣今二子已  
亡而余重復經此不勝今昔之感詞以愴舊

迦陵詞全集卷十八終  
枯荷敗柳恰書郎再過畫樓全圮十七年前蕉鹿夢斜倚  
風廊重記白傅高人竹林賢阮詼笑饒名理飛觴覓句琅  
玕刻盡空翠 今日擊筑筵空絕纓會散人去多年矣我  
作驢鳴黃葉下沉痛忽焉盡致繡祿童烏雲藍小妾匿笑  
屏風地癡兒騃女那能了乃公事

迦陵詞全集卷十八終

迦陵詞全集卷十九

宜興陳維崧其年著

和州戴逖孝無忝

丹徒李基和梅崖

華亭錢鼎瑞寶汾

海寧弟奕禧六謙

百字令

維岳緯雲

宗石子萬

男履端

姪賜薛

校

顧梁汾雨泊蛟橋填詞見寄得軟繡迷香二語狂  
喜跳踉失脚墮水書來語我以故不覺捧腹詞  
以調之亦用朱希真韻

空江采石記錦袍醉墮昔年李白今日蛟橋傳故態千載  
重來此客擬探驪珠海天此夜休遣龍綃隔翻身直下驚

濤跳起成雪 我作持履無方君休一去曉夢迷蝴蝶乾  
後蓬萊胥井似可有人間花月暎翠蒸衫鬧紅壓帽狂殺  
何年歇玉京桃放待余折則同折

游楞伽山上方寺是日微雨

石湖一幅似春羅鋪在楞伽山下上有叢祠熒賽火照徧  
盤門萬瓦白馬三郎青溪小妹繡幔搖春夜憑闌遙望水  
雲蒼莽難畫 來往招颺花枝蘸些微雨倍覺添妖冶鬢  
縷柳絲都一樣總受東風飄洒亂石陂陀群峯峭蒨滿逕  
沾蘭麝半湖純黑伍胥潮又來也

贈陳嘉玉

萬家水市被垂楊映得酒旗都綠細雨淋浪春欲暝愁煞  
蒲帆六幅烟裡停橈花間命屐小叩幽人屋素蕊疑雪果  
然人淡如菊 君自生長錢塘移家喜看罨畫紋鋪穀說  
在東風鶯舌裡聽慣烏絲一曲詞客生平男兒意氣何必  
會相熟掀髯長嘯爲君盡此醺醖

雨窗懷松之南水

絲絲點點聽簷前不住隔紗窗滴一片濃雲遮遠岫那辨  
銅官離墨寶鼎香焦畫廊花瘦阮又無心摘茶烟颺起細  
煎花乳翻白 幾日梅子應黃先將些雨送箇愁消息我  
在家鄉愁欲死何況異鄉羈客窮帽停舟衲衣持鉢買酒  
還無直知他何處水邊拖盡吟屐

雪灘釣叟爲松陵顧茂倫賦

翁家何在在三高祠下景尤奇絕一派漁莊連蟹舍百里  
水雲明滅最怕閉鷗生憎野鴨占了涼波澗釣竿斜漾珊

珊瑚樹上輕拂 昨夜東合江天糝綿舞絮冷把龍宮掣惱  
殺渭濱垂白叟悞了蘋風柳月菰米家鄉清虛世界萬事  
何須說夜寒吹火推篷起掃殘雪

送徐松之還松陵兼訊弘人九臨聞瑋電發諸子

松之亦  
名崧

生平慕藺笑人間竟有兩相如者解唱春城寒食句却是  
此韓翃也廿以前記會與汝爛醉臯橋下我髯君黑路  
旁紅粉輕罵 今日髯已成絲黔還似昔重會荆南榭篋  
裡雲山詩卷在只被雨淋風打撼笛旗亭聽鐘禪院總是  
淒涼話垂虹橋畔飄零多少同社

淮陰閻再彭以破環詞索和爲綴此章

淮王城下有扶疎叢桂香分蟾窟携得團圓天上影琢就

鏡奩中物立本清高香閨對綰紅苕同心結紫金跳脫讓  
他光鑿毫髮 詎料鳳去鸞孤瓊枝一樹忽被罡風裂柳  
絮簾櫳無限好堆作安仁髻雪畫篋閒搜宵來失却一串  
玲瓏月半規破鏡筭仍飛上瑤闕

客有善絲竹者以箋索詞漫爲賦此

旗亭舊事記曾經見汝寶釵樓側瓊樹兩行誰最少第一  
屏間白哲翠滑鸞鞞紅香桃綬絕藝千金直襄王筵上纏  
頭衆裡爭擲 今日白髮何戡青衫司馬仍會秋娘宅能  
得幾迴渾脫舞清淺蓬萊非昔紅苕村莊菊花天氣淪落  
無人識棖棖邏迤不堪聽汝重摘

聞鴈

金風凜凜將冷鴈糝下半年煩惱拚逐征南諸將帥飛透

黃榆白草萬里邊愁一行兵氣辛苦憑誰道過雲裂石數  
聲橫度林表 我且緩把一樽水明樓畔側聽心如擣響  
帶秋砧偏覺慘更犯幾般曲調南浦烟深後湖陰重月挂  
關門小不如北去蘇卿雪窖將老

長安元夕和家山農倡和原韻

尋常隔歲預商量賞玩來年元夕燕未銜將泥便軟糝徧  
蓮鈎綦跡滿院燒紅九衢漾碧萬斛幽輝濕東風幾陣暗  
吹此事成昔 今夜漱澗深杯玲瓏低唱難把愁兵敵悞  
了玉梅花底約只做鳳城羈客歸路三千春宵十五誰遞  
他消息舊家何處月華人面同白

贈吳門周履坦時以丹青供奉內庭

盤龍後代擅虎頭絕藝風流淹雅一旦聲名動人主不數

當年曹霸架上奇鷹宮前稚蝶一一遭烘寫布衣親見鳳  
樓一片鴛瓦 可有褒鄂弓刀金張袍綬要上凌烟畫月  
給俸錢愁不飽只夢闔閭城下滿眼京華錦衣玉貌總是  
悠悠者青瑩燈火飄零共作情話

已未長安中秋時值京都地震是夜微雲掩月

西風帝苑正停杯爭盼一輪圓月坐久涼瞻猶未吐靄靄  
暮雲偏結低躡冰綃深藏桂殿不放姮娥出也應愁見有  
人千里華髮 今夜地軸頻翻坤輿陡撼怕被饒蛟掣那  
有銀墻和碧井留待金波堆雪三市霆轟九衢電駭屋瓦  
昆陽裂問誰無恙天邊惟賸瑤闕

送周求卓之任滎陽

滎陽京索是當年劉項舊爭雄處蔓紫蝟紅纏碎碣畧辨

幾行秦楚汜水重關敖倉贖壘蒼莽空今古西風夕照老  
鴉啼上枯樹君到試問當初鄭虔故宅三絕猶存否  
贏得兒童和笑說文采周郎獨步故國情親新京節物送爾  
驅車去休輕百里此間鞏維門戶

送鈕書城之任項城

碧鱸錦稻記君家舊傍垂虹亭子疎影暗香姜白石一旦  
起而爲吏綬染紅桃符分銅虎差足云豪耳欣然捧檄當  
年毛義如是極望地入銅陽邑各南頓樹短纜如齊去  
約官僚閒射獵應認前朝戰壘古驛熊啼荒村虎叫日落  
城牆紫虛聲處士此言專仗君洗

咏陸雲士萬年冰扇墜

長安六月玉河橋柳下涼冰爭賣銅椀擊來高十丈只是

炎歊難耐忽見風前水晶墜子人意先瀟洒颼颼滿院似  
聞何處清籟傳道太華蓮西堯年古雪結此玲瓏塊磨  
却干場間歲月冷看人間成敗桂窟瞻精松根虎珀凜冽  
還堪賽更誰偷嵌幾叢藻荇橫黛

棠村夫子席上咏米家燈

東風作陣颺晶籠百盞玲瓏低亞淺倚紗屏和笑指此是  
前朝擘畫有蝶皆飛無花不笑翻覺丹青假何須周昉搗  
酥滴粉描寫聞說上國樓臺東京士女最重元宵夜兩  
載傳柑渾寂寞辜負月明鴛瓦詎意今年尙書座上人在  
春燈下昇平遺事廊邊鸚鵡能話

庚申長安閏中秋

姮娥天上恰晚粧添罷更臨瑤闕四十七年纔又見閏了

中秋佳節

中秋自甲戌閏後今歲始再開

再瀉金波重懸晶餅分外鋪晴

雪廣寒宮殿依然翠鎖齊掣 可惜耿耿孤光蕭蕭夜景

縱好成虛設贏得冰輪圓兩度多炤一番華髮萬里鄉愁

五更寒信幽恨憑誰說停杯南望山中叢桂應發

贈程令彰

令彰新正五日為四月初度

東風纔動正萸開五葉花飛六出雪正晴時天倍好越顯

帝城春色門挂桃符釵搖綵勝節又隣人日風光如此拚

他爛醉須直 愛爾句闌蠶叢詩驚鬼膽餘子何當嚇四

十功名年未晚且溷朱門杯炙二陸才華

謂難兄綉章

兩程家

學底處無人識街燈漸闌為君拚擋箏笛

題徐晉遺表弟所畫牡丹圖并以誌悼

時正是花大放

璧人年少記臨風側帽姿尤清絕曾在沉香亭畔醉偷譜

清平三闋更取名花圖成粉本惹殺狂蜂蝶盈盈着紙誤

人幾度攀折 今日畫可羞花花偏入畫一樣無分別可

惜空山埋玉樹此恨只和花說縱有丹青也應塵土拌了

嬌紅色花前一嘆胭脂亂撲成雪

無愁可解

題楨伯詩詞卷尾用粘影詞韻

記少日從君使健筆如風蛟螭盤攫更短衣破帽橫穿欲

度絕漠蹴鞠彈箏豪士約撫掌轟轟笑樂似阿黑一輩人

裂眦奮袂神色甚惡 詎料淪落關河將冶習狂名一朝

除却笑古今青史細碎渾如蝨脚讓餘子纍纍若若只佳

句清抵空山夜泉剪燈讀睡難着

彩雲歸

簸錢

買花歸倚綉簾前，問侍兒剩否金錢。邀隔垣女伴，消閒晝  
還趁取苔石幽鮮。輕輕簸青跌不定，怕撩人鬢蟬。競負闌  
中劉毅，喝雉喧闐。琅然滾歸墻罅，與柳綿一樣，勻圓惱  
他隣女。嬌小羸處，慣倚輕儂，喚重來頻呼不應。走弄墻畔  
鞦韆無聊甚，間擲五銖，暗卜歸船。

春夏兩相期

王家營客店排悶

古黃河，曾吹鞞鞞千片。葦花颯颯，何事衝炎，愛把軟紅塵  
踏舞衫。歌扇總生疎，馬客餅餒空拉雜。彈罷哀箏，傾來濁  
酒，自相酬答。何門珠履堪跋，且燕秦齊趙，騎牛荷鍤自  
笑。平生不慣縱橫，押闔闔來車轉腹，中輪狂時，劍動親身。

匣莫管今宵茅店荒涼鷄聲鳴邑

初夏同友人東郊外訪吳繩圃園居

有羅羅水烟千頃，夜來初浣。籬徑紫艷紅芳，屋角墻頭相  
映。草香小巷，入都迷竹暗，層扉敲誰應。淺漾風簾，愛他草  
閣居然解艫。幽棲不似塵境，只間驅菊壺，小除松瘦濕  
翠難名。到此萬緣真冷，牙籤亂插，道書香板橋對掩。僧廬  
靚惆悵，曾分半榻鶯聲，一杯花影。

遊佛閣

初冬同友人小憇中隱禪院用片玉詞韻

早霞昨斂，行散郭外，盡歷溪館。塘宿蒲短，細沿磬響，來寒  
戒壇幔境。幽竹滿閒，豎拂子小叩，慧遠妙諦微婉。更沾茗  
粥塵巾，忽焉焉岸。坐久漸忘却花影，移楞還幾線。更愛晴

堦砌成明鏡面歎急景浮生虛負漏箭悶懷誰見似殘菊  
無聊倚簷零亂再來期甚時纔展

寒夜登惠山草庵貫華閣

亂峯堆髻夕景木末殘雪崖際一派空翠瓢堂語悄山牕  
落松子小樓欲墜斜嵌巖壑蹲若奇鬼暝色晴霽髻絲禪  
板渾忘在塵世開士暮歸晚鉢向石橋深澗洗坐客松  
寮鐘鳴黃葉寺喜今夜關河一碧千里感傷身世看六代  
青山月華如水是千秋倚闌人淚

由劍池循石磴上至平遠堂側覓徑復折而下至

小武當有奇石縱橫林立佇眺久之

巖欹棧仄循壁俯瞰潭子深黑風起濤湧此身幾被包山  
老龍得古苔繡蝕騰擲直上霜磴如拭高處奇絕曠望鄧

尉支硎翠螺滴

暫息塔鈴側又蹈虛空臨不測蘚滑境

危盤盤深曷極見老樹槎牙三兩離立雨淋風裂似猱狽  
鬚髯作爛銅色忽頽唐化爲奇石

爲李武曾題長齋繡佛圖小像

冷殘雪研纖膩滑笏恰稱烘寫偷翫閒把有人認是年時  
瘦司馬俊游都雅帽影蘸粉衫縷沾麝蠶雨啼鷓畧記小  
驛奢香醉題帕舊事一彈指可惜花開冬易謝此後髻  
絲吳霜將暗惹且料理心情消向蓮社茜竿低亞捧一軸  
迦文綃帶輕洒傍風前鈴屨斜挂

東風第一枝

咏綠萼梅和呂聖求韻

粉界檀腮烟籠膩頸玉奴素質輕約風前乍拆紅鬢月下

低含綠萼一枝水上也不管鶯啼燕掠最憐他不甚分明  
飛破瀟湘白鶴 隔蟬翼層層都薄打稷雪冷冷又落有  
情故亞樓頭無聊自開屋角日高慵起慢搖動綠紗簾箔  
看苔錢色上花枝碧透何郎官閣

試燈夕同雲臣京少賦

萬戶燒紅千門照茜春燈零亂如許蓮釵綵燕還搖蘭街  
火蛾纔吐常時此際只做弄滿樓絲雨喜打頭新歲冰輪  
將到十分圓處 影對着翠奩私語袖揜着玉纖暗數今  
宵且疊衫痕後日定飄裊縷經年盼望容易近鳳城三五  
囑孟婆霧鬢風鬟莫把夜情吹去

是晚  
大風

丁巳元日大雪是日迎春

雪壓新年風飄殘臘瓊樓粉落如雨桃符素鎧離披神荼

瑤簪濟楚天公好事總餽徧山城炬妝小闌邊飄瞥紆迴  
點綴辛盤椒俎 泥駝透紅箋致語寒勒住鈿車游女土  
牛紺軛犁霜粘鷄花冠縈絮盈街彩仗畫一片慵情嬾緒  
白茫茫東合乾坤不辨春來何處

月杪自吳門歸追和南耕毘陵元夕之作

上水船遲落燈風快歸家黯淡如許打門有客謹呼衝泥  
向人驕語香詞滿幅總故苑狂朋俊侶說郡城前夜閒行  
多少珠歌翠舞 乍髣髴花間畫鼓再想像梅邊游女毫  
端似落星橋卷中疑謳金縷舊時情事悵光景拋人何遽  
但聽他提起元宵便有費思量處

咏玉蘭花

細雨搏酥好風搓粉枝枝斜壓闌檻墻邊無限玲瓏樓頭

許多掩冉瓊姿簷外總不受蜂侵蝶犯自生成別樣心情  
誰耐風光穠艷 隔着水盈盈飄颻籠着霧亭亭雅淡似  
憎杏把紅薰微嫌桃將絳染空濛皎潔來相伴空房小膽  
罨玉樓一片花光逼得盤龍鏡暗

踏青和蘧庵先生原韻

簷溜纔停街泥乍浣花梢日影搖午陌頭霽景增妍水邊  
烟光添嫵茜衫笑檢憶春在謝橋深處正沿堤叫燕吟鶯  
吹滿一天風絮 籬杏糝如塵髻縷溪柳罨帶烟朱戶畫  
完江左亭臺釀成花朝節序爲歡併日况漸逼韶光百五  
約鈿車來日重遊又聽小樓宵雨

玉燭新

咏燭

五更寒作陣正繡幕重重一枝斜隱當時曾在春宵底  
足美人春困雲沉雨重謝倦眼看承逾俊珊枕畔翠袖輕  
遮怕他隔簾風緊 如今長伴空牀風也弄孤燈閃成青  
暈蘭心剪瘦誰聽得掉却玉釵聲韻金荷漸燼結徧釭花  
無準問紅熾今夜和愁燒殘幾寸

琵琶仙

閩門夜泊用白石詞韻

曠色官橋消盡了帶雨綠帆千葉驛口夜火微紅璫簫正  
凄絕記醉惹銅街喚馬更閒凭畫樓聽鳩無數前情許多  
往事檣燕能說 只細數花草吳宮除夢裡依稀舊時節  
欲買韶光暫駐待來春翠莢縱尙有鴟夷一舸怕難禁伍  
潮堆雪悔殺麝帕鴛衾那年輕別

泥蓮庵夜宿同子萬弟與寺僧閒話庵外白蓮數畝

倦客心情況遇着秋院擣衣時節惆悵側帽垂鞭凝情佇  
寥泚三間寺水窗斜閉一聲磬林香暗結且啜茶瓜休論  
塵世此景清絕 詢開士杖錫何來奈師亦江東舊狂客  
惹起南朝零恨與疎鐘嗚咽有多少西窗閒話對禪床剪  
燭低說漸漸風弄蓮衣滿湖吹雪

題汴京大相國寺寺相傳魏信陵故宅唐尉遲敬德監造

近婦飲醇悵失路英雄暮年無忌轉盼魏寢全荒朱門換  
蕭寺賺人是宣和舊譜惹恨有夢華遺事傳說東京當初  
燈火遙映南內 休閒話折戟沉沙只此地曾經浪淘洗  
剩得蠹痕虫篆蝕尉遲碑字正罷酒憑闌時候遇西風落  
葉盈砌多少落拓心情飄零身世

四代好

泛艇春溪作

碧透雙溪尾蒲桃浪慣被煥風吹碎琉璃正滑簞紋小展  
一川空翠春衣蓬艫慢倚十載事從頭都記籌飄零曾渡  
汶水漳水沁水泝水 汶水長繞孤城漳水又抱銅臺廢  
址可憐沁水還灌太原殘壘三關怒濤夜起過泝水重嗟  
餘耳總不如春水江南柔藍千里

雙頭蓮

留別集生

孺子長貧記少日江東隨余游射重來客舍但細數此地  
舊游都謝總被捲地西風把燭花吹地成獨夜只有君家  
榻懸為余仍下 憶昨食酒而悲學王郎斫地倚風悲吃

歌場舞榭祗添了一夕雨窗閒話多少剩水殘山付丹青  
曹霸笑客至泥拔金釵粧臺輕罵

夏日過叔岱水墅鋪同諸子觀荷用放翁詞韻

老樹空村借風幔斜張儘堪栖寄飲如渴驥碧筒勸領畧  
野香荷氣詎料蒼莽中原有粘天雲水依稀似尊脆鱸肥  
風光故園還記 携手散步林塘羨無愁鷗鳥向菱蘆睡  
江南游子誰憐我水上倚闌心事擬倩繫日長繩奈斜陽  
貪逝風颭處十萬紅衣乍眠旋起

龍山會

暮秋蘧庵先生自吳中歸詞以訊之

颯杏梧宮葉舞徧西風又送人歸也稻梁吳地儉天外鴈  
揀盡寒汀空下誰識故將軍只亭尉偏工醉罵王和霸銅

仙月中如鉛淚瀉 剡曲興盡王猷嬾心情最聊蕭難畫  
買烟航雨艇歸計穩入手碧鱸紅鮓我倚墊巾樓見君蒲  
帆恰卸隔水榭一尺釣絲堪對把

迦陵詞全集卷十九終

迦陵詞全集卷二十

宜興陳維崧其年著

睢州田蘭芳梁紫

秀水徐嘉炎勝方

武陵胡獻徵存人選

東明袁佑杜少

五福降中天

甲寅元旦

五更爆竹千門響轟醒陽烏春睡早湧形輪競開朱戶恰  
對南山晴翠桃符荔粉喜街影暄妍簾痕韶麗多少輕烟  
嫩靄做就好天氣磨徹菱花雙蒂綉奩爭早貼宜春字  
畫粉旛兒銀泥勝子帶笑上人頭髻年光已在牆外花鬚

弟 維岳緯雲 叅閱

宗石子萬

男履端

姪賜薛 校

橋邊蘭蓋拜罷勝常臉潮紅似醉

丙辰元旦和蘧庵先生韻

翩何青帝姍姍也將近江南幾驛婪尾深杯換頭小令冶  
習那能銷得任他仙釋筭換了年光也應沾臆慵倚闌干  
側帽不忍弄烟色 差喜漸無人識楞嚴纔註罷門庭寂  
三徑苔鋪一籬梅綻相與從無疎密鶴窺草閣雀啣柴門  
宜春休帖愛煞溪痕斜橋成小立

穀日和蘧庵先生仍用元旦韻

春田躑躅開將徧紅透水橋烟驛隔歲辛盤昨宵金勝又  
聽青鳩得得冱寒都釋正墻喏花冠隴翻嬌臆且把農經  
一卷映午餘晴色 春意窗楞先識雨工行雨罷茅簷寂  
茜入梅園翠歸蘭圃裙幄料應鋪密歡生祈穀兆叶占年

比閭安帖閒看蜻蜓釣竿絲上立

燕歸漫

虎丘遇劉元玉因憶東臯舊事賦感

前事濛濛對天邊皓魄塲上晴空僧窗秋夜話霜磴故人  
逢蘇臺原是綺羅叢被牧笛吹來幾陣風揚州舊花月也  
應與此間同 歌館閉舞衣散玲瓏老野狐窮歲月已非  
光景在筭常到夢魂中蓮塘墜粉泣香紅總綴就閒愁點  
客逢杳靄棹歌響又何處度疎鐘

松陵道上追感計甫草趙山子兩孝廉用湘瑟詞

韻

醉欲騎蓬憶當年吾汝意氣凌虹交情千里外心事一杯  
中情人墓上雨濛濛又水調吹波夜起風吳江落楓葉只

餘我舊鵝籠 洛水戲山陽 笛淮陰釣未央 鐘徐劉應阮  
俱凋謝 筭此恨古今同 倦游踪跡類臨邛 且度曲吹簫倚  
小紅 姜白石詩有小紅度曲我吹簫之句 來朝過鶯脰 好撥棹破晴空

夜合花

爲丁子經催粧

人柳腰眠聖檀額 注犢車催下屏風勝 常道罷腮邊春暈  
微紅 呼燕燕喚蟲蟲 桂堂西小著輕容 問伊姓氏及名鄭  
季母號樊通 鶯聲夜半玲瓏多 少帳前細咳爾汝歡儂  
今宵夜冷勸郎文籍休 攻蘭缸細鴨鱸濃 卸花簪早傍薰  
籠 羨他大婦偏憐敬禮代掩珠籠

廿二夜原白堂中觀劇卽事

劇演精忠

青漆門邊碧油坊底 一庭霜月初濃 隣家夜賽春燈社火

攢空傲越覲舞巴童 颯靈旗不滿微風 正無聊賴聽歌簾  
罇衝酒闌東 神絃一曲纔終 更有梨園雜爨院本 絳桐  
岳家遺恨 夜堂一片刀弓 悲曼衍鱗魚龍 惹當場淚灑鵑  
紅 須行樂耳何知底事 且酌金鐘

慶春澤

春陰

已近花朝未過春社 小樓盡日沉吟 暝色連朝江南倦客  
難禁門前綠水昏如夢 粉雲遮失却遙岑 謝橋邊凍了梅  
魂結了春陰 年時恰是鶯花候 正黃歸柳靨紅入桃心  
舞扇歌衫參差十里園林 東風吹得韶光換 詎料人真箇  
如今問何時日上花梢 細啣鳴禽

換巢鸞鳳

詠燭

暝色初臨正金荷灼灼鳳脰沉沉燒殘終有淚剪斷豈無  
心饒脂注得十分深光翻金粟影動瓊林春檠上看帶笑  
花開似錦瘦沈躊躇甚曾記華堂半減情難禁金輪傳  
時玉堂難處對對紅酥翠沁蓮燈緩導上元遊蘭膏濃挽  
平康飲如今絳蠟照人長是孤寢

春感

月煖絲柔正花枝罌黷鳥語鈎軒斜橋雲似粉合澗水如  
油臨風却憶少年游閒踪跡徧旗亭酒樓如今也只淺淡  
眉痕相鬪知否人感舊滿砌靡蕪綠窗清晝記得年  
時暗曾經處深巷紅欄弱柳飄盡楊花雨偏肥摘來梅子  
春先瘦悵風光更消人幾徧回首

雨中憶蔭綠軒前梅花正開詞以代訊

倦理紅裯有如塵似夢萬斛閒愁濛濛沾綉幌浼浼漲銅  
溝帽簷小側撚花枝倩鶯語替簷前雨鳩春山影恰幾日  
都如中酒低首東風後記得君家一樹偏嬌秀每趁年  
光慣將香雪亂惹倚樓人手開處斜憐綠波明折來雅稱  
瓊肌瘦雨窗問訊只今曾否依舊

高陽臺

題余氏女子綉高唐神女圖爲阮亭賦

巫峽妖姬章臺才子賦成合斷人腸綉閣停針含情想像  
高唐渚宮舊跡今何在不分明水殿雲房驪蟬鬢憶著行  
雲恰費商量薜蘿暮雨淒涼只楚天一碧與夢俱長霧  
縠霓旌幾時重得侍君王小唾紅絨思好事却剪刀聲出

迴廊更添些紅杜青蘋做出瀟湘

繡佛

榻盡翎毛刺完花卉生憎滿幃春愁一事縈懷纔忘又到  
心頭濟尼索繡鬢陀像猛思量此諾須酬研繚綾香要先  
熏樣要親鈎配勻五色長生縷記鴛摩夙業迦葉前游  
縵線飛針盈盈分外纖柔狂夫悄問儂何願暈春酥忍笑  
凝眸且添他旛蓋飄颺水月空幽

壽樓春

爲白琅季節母吳孺人賦

裁綃衣霓裳配羿妃清冷嬾女蒼涼夜夜長歌寡鶴短歌  
愁凰摧短髻爲秋霜染啼痕眠芊幽篁歎海碧天青蟾孤  
兔老六十載共姜築柘館連芸窗更授經帳底晝荻簾

旁機聲中攙洛誦書聲琳琅剪玉樹成佳郎羨季心詞壇  
檀塲俠哉女公孫萱花栢舟千古香

春日追昔游

尋春來劉郎惹一生惆悵千種思量尙記風前秀靨月中  
凝粧斑竹店梅根坊颯水花晴絲悠颺恰宛宛調鸚盈盈  
喚馬手語粉巾香斜日下東方狂將十年前事吹入微  
茫贏得筓篔昔昔琵琶棖棖花壓帽啼霑裳怕重逢年時  
韶光又酒旆斜挑誰家小門青粉墻

木蘭花慢

歌筵感舊

誰家搖步障明月夜賞花天正壁帶紅稠簾衣綠縹夾路  
釵鈿從前也曾聽處漸如塵似夢記難全遮莫延秋門裡

不然道政坊邊 銅仙有淚瀉如鉛攬鏡惱華顛詎飄零  
江海重歸故國再上珠筵龜年莫停歌拍怕舉頭皓魄不  
長圓正月新蒲細柳滿塲橫竹么絃

壽虞山張以韜四十 應王石谷之請

虞山山拂水風倒捲乳簾泉想紅豆村庄絳雲樓閣翰墨  
流傳風流後來誰繼有天都逋客漢張騫水檻斜欹垞北  
晴軒正面湖前 王維今日畫中禪說爾最豪賢美坊號  
光和里名通德臺曰超然行年只今四十已手摩銅狄歎  
桑田俠骨毬塲酒舍間身茶竈漁船

壽吳母黃夫人五十 夫人余友園次賢配

紅雲飛一朶鸞鶴下叩真妃是江夏無雙吳公第一兩好  
門楣相逢瑤臺擘脯說蓬萊清淺事依稀興慶池頭命婦

鹿門山下賢妻

恰依然椎髻牛衣四十九年非越苜蓿

霜紅洞庭水碧茶庵漁扉回頭莫論舊事記滿湖燈火醉  
翁歸坐上麻姑天姥膝前謝滂王微

汴梁城內有李師師巷經過感賦

是東京舊蹟愁漠漠雨絲絲悵趙宋繁華樊樓語笑總被  
風吹妻其剩勾欄在照綠窗曾挂月如規今日頽垣廢井  
當年舞榭歌基 師師雪貌玉為肌玩月賞花時惹君王  
夜幸香橙暗擘膩笋潛携誰知小屏風從有周郎低唱斷  
腸詞一代春嬌寂寞半城夜火參差

夜坐偶感

正三更打徧小簾外雪花飛有魏博監奴天雄內宅袴褶  
黃皮做做釀錢會食葵兩行紅燭霧成圍銀甲崩騰碎摘

玉船狼籍爭揮 依稀啁哳更喧 詎詎旋譟 詼笑賀公  
吳語參軍蠻語相視然疑 吳姬吟鶯 叫燕記綠窗 細款抵  
游絲惆悵 新眠難穩 淒涼舊夢都非

過故友周文夏園亭

東風昏似夢 又吹我此間行 筭有限歡娛 無多光景也費  
經營 當初笑呼猿鶴 待功成綠野 始尋盟空却池塘 睡鴨  
留些欄檻穿鶯 盈盈殘月不勝情 依舊下簾旌 歎堤楊  
尙短 林花未滿 舞館先傾 清明滿園 蝴蝶只和烟帶雨舞  
迴汀黃雪廊邊 舊事水明樓畔 前生

新霽過蝶庵訪雲臣不遇詞以柬之

杏花村賣酒風弄處 一旗偏且側帽微吟 閒攜步履來趁  
斜川風前暗添語 笑儘閒坊小曲 總喧妍擬作鶴窺籬外

暫勾蝶出花間 闌干柳絮滾香綿 吹向綉簾邊 奈綠窗  
倚徧 鑪薰閒若茗椀 依然吟鞭 知他甚處 料狂僧小史與  
流連 鬪葉定迷深巷 衝歌准上游船

戊午中秋同旣庭賦

昨歲中秋與旣庭  
同在玉峯三友園

舉觴浮皓魄 何故向客中 圓只斫月吳剛登樓 王粲一樣  
難眠 長安金波萬頃 儘六宮三市 浸其間 天上桂輪晶餅  
人間玉臂雲鬟 年前曾在馬鞍山 半醉恰憑欄 對丹崖  
翠瀑 狂歌曼嘯 漏盡纔還 誰憐萍踪無定 又天街携手共  
君看 今夜鳳城雙闕 素娥分外嬋娟

翠樓吟

席上贈伎時伎三日後卽落樂籍

銀甲捱纂珠條 絡鼓清歌 屈柘如縷 人到離筵 裡儘眉黛

愁將碧聚縱橫玉筋似綠柳紫烟紅蘭着露欹鴈在一塲  
春夢沒些情緒 他日縱過侯門只光延坊畔櫻桃一樹  
奈銅輿催上更糝遍一街絲雨橫波重注看斜側帽簷銷  
魂無語紅燼底新官舊主一般胡覷

惠山雲起樓作

萬斛空青一天冷翠和晴飛上簾押老松三百本山雨響  
偏張鱗甲崖傾峯杳有客註茶經僧編梵夾泉鳴邑恰逢  
深磻樵吟相荅 晚值瞻影初昇似姮娥粧鏡夜深離匣  
碧雲千萬頃被一點玉纖偷指月明三匝謝鶴許携瓢猿  
呼荷鍾爲盟歎他年傍此竹弓射鴨

三月十五日虎丘卽景

桃花水絳卵色天青早烟着人如醉風光日夜換換不了

吳宮羅綺千年霸氣只鶯囀山房鴉啼水寺當年事斷崖  
老樹依稀能記 冶麗簇隊成團有釵蟲落磴裙梅飄砌  
劍池苔蘚黑越顯得明粧絕世佛前私誓怕亂水東流夕  
陽西逝憑闌望五湖晴爽碧空無際

小院

小院蟲蟲斜橋燕燕佺佺觸起閒事當初粧閣影亂織在  
濛濛秋水餅金曾費只趁月藏鈎隔花傳謎依稀記遞香  
窗眼浸嬌杯底 顛顛此日重來剩榆莢漫天苔錢鋪地  
心情何處寫擬寫上繚綾帕子研來鬆膩怕未便緘愁還  
難盛淚斜行字沉吟劃滿竹肌空翠

曲游春

花朝

濃春無限好正雲剪春羅水鋪明鏡滿日紅芳記淡烟斜  
日江南時景紅板橋西路有萬縷綠楊拖徑更憐次第風  
光巧鬪吳娘花勝 回首天桃露井憶檀板銀罌那時俱  
並人在花朝有嬋娟姿格玲瓏情性自後堂分袂長則是  
如醒似病可惜憔悴蘭成凄凉家令

上已修承招同諸子修禊

昨夜風吹雨恰晴光早繡正好修禊弄碧垂楊倚斜橋招  
手邀人水戲洛浦風光麗况滿座安期千里一樽故國心  
情三月麗人天氣 小苑露桃開未正紅萼猶含枝上輕  
綴幾度花前趁閒身正健祇須沉醉莫管金鞭墜酩酊也  
斜陽歸騎尙遇無數羅裙盈盈挑薺

映山紅慢

竹菇用湘瑟詞咏石榴韻

三月厨娘乍榨就桃花茜醋恰園後籬邊幾叢新長臙脂  
三五湘娥竹下啼猩雨灑鴉痕映空山暮筭風味世上侯  
鯖禁鬪應妬 山館下極望嫣然早已向幽窗催句正此  
際太常齋日小摘珊瑚一樹浣餘還怕芳香損倩筠籃把  
紅鮮護傍闌干住誤飛下銜花燕羽

看花廻

南嶽寺大悲閣上看玉蘭花用清真詞韻

春山淡冶如笑風光鮮潔梵閣斜盤碧磴恰干點瓊葩瓏  
瓏纔結花明玉淨小鬪山窗鶯語滑憐少室珠樹輕分天  
花無着姿清絕 想只有山間白月還記省鬢陀根節誰  
伴深林清苦只幽澗蘭心亂崖石髮孤情絕照古寺誰曾

經浪折半簷花千嶂瀑看煞難分別

月當廳

虎丘中秋東籬庵先生用梅溪詞韻

先生時寓臯橋

碧海此夜冰輪滿龍堂老鐵吹裂波心斜倚廣寒一望兔窟清深照徹吳王宮殿徧臨街簾子漾綃金更多少伎船燈火水寺謳吟茶鐺正穩臯橋畔好風光摘船試約閒尋月底半塘譁笑百沸潮音檀板競從石塲鬪桂花都上帽簷簪如覓我聽歌處在斟酌橋陰

桂枝香

甲寅中秋

霜簷如洗有碧落水輪今夜飛墜月海霓裳殘拍淒涼猶記素娥休向吳宮照有多年雕闌錦砌金波萬頃細看來

是倚欄人淚 算世上雲鬢玉臂和老去英雄一般憔悴落葉啼螿只是夜長難睡銀壺擬泝孤光倒奈沉沉悶懷先醉水明樓畔西風江上有賓鴻暖

石亭探桂和竹逸韻

晴秋摘黛肯閉置車中學婦人態南郭先生約我畫溪擊汰石亭老桂槎枒甚續前游何妨今再霜蓬汎酒僧廬鬪茗談禪說怪時有談鬼伯娶婦事漸石壁斜翻暮靄照亂榭叢篁蘚痕纏薑忽放狂顛老子生平無賴西風斂却英雄手只頻年持螯劈蟹城陰歸晚續紛金粟帽簷齊戴

蟹

萋蒿淺渚有郭索爬沙攪亂村杵溪斷霜紅織滿夕陽鴉渡漁人拂曉提筐喚小門邊陡驚羈旅羨材誰筭子魚通

印河鮑雪乳 記昨歲秋窗鳴雨見小插黃花濕蟬拖處  
笑說螯肥雙陸桂堂曾賭玉纖簾底須親擘况西風釀寒  
如許沉吟此事何時還又暗聽街鼓

玲瓏四犯

月下聞笛

三五良宵看雲月澄鮮幽輝盈抱羈旅無眠愁思幾番縈  
繞滿園春水空濛映翠竹枝枝斜裊恰嘹唳誰家入破遙  
想小樓空悄 因思天寶梨園隊有金鴈鈿蟬絕妙更偷  
把寧王玉笛吹徹誰知道一自華清人散繚垣外閒花野  
草歎此生頭白天涯再聽伊涼別調

人日前一日雪中用梅溪詞韻

勝裡春人和天上瓊葩今夜雙剪糝粉飄綿舞困乍颺仍

捲低處纔滿銀塘旋又上鳳樓堆徧問曉來還積多少定  
沒小窗雙扇 柳花尙早梨花未訝濛濛恁時相見拚將  
冷淡疎狂性行盡天涯遠祇怕火樹漸紅燈市上翠愁珠  
怨料六花情重留些元夜印弓痕淺

苦雨同雲臣用梅溪詞韻

屈注銀潢問天畔河流還剩多少風雨爭馳鐵騎金戈齊  
到只有幾疊屏風上畫着吳天晴曉歎年光銷沉何處都  
付汀烟水草 今年紈扇淒涼甚未西風早辭懷抱簷端  
漫訝紅輪吐却是榴花照無數詞客城南久冷落酒壚歡  
笑怪天公也學銅仙流淚向宮門道

大江乘

聞鴈

金風凜凜將冷鴈糝下半年煩惱揀逐征南諸將帥飛透  
黃榆白草萬里邊愁一行兵氣辛苦憑誰道遏雲裂石數  
聲橫度林表 我目緩把一樽水明樓畔側聽心如擣響  
帶秋砧偏覺慘更犯幾般曲調南浦烟深後湖陰重月挂  
關門小不如北去怕蘇卿雪窖將老

霓裳中序第一

咏水仙花次尹梅津咏茉莉韻

珠櫳寒粉靨畏罷銀篝紅獸熱恰值青霜騷屑有一種瑤  
芳白花翠葉海天皓月美玉娥生長綃闕斜春渚竟川舍  
綠一笑嫣然絕 妙絕頓成離別長則伴兒家粧篋有時  
墜落簾弗看盡人間多少蜂蝶五銖寒到骨悵千里洞庭  
飛雪傷情也舊家何處悄對素梅說

憶舊游

寄嘉禾俞右吉朱子葆子蓉

松陵東去路記水程烟驛幾多般鴛鴦湖裏泊重城燈火  
一派潺湲船樓玉人行酒碧浪瀉紅顏更羸歷丹鱗綿濛  
黛甲上下哀湍 十年成間別想怪侶狂朋一樣啼斑縱  
玉清歸去怕滿天風露猶憶人間只是南湖柳色憔悴不  
堪攀長望語兒亭故人爲我且加餐

第 35684 号

平成 3.11.22

聖和学	928
園短大	4
図書館	12

迎陵詞全集卷二十終



迎陵詞全集卷二十終

平泉縣  
圖書館  
藏書  
SS 118

周

